

密縣志卷九

賜同進士出身候選知縣前國子監學正武進謝增

同纂

賜同進士出身密縣知縣丙子科河南鄉試考官吳傑陝西督學綸

典禮志

上祀

社稷壇

會典直省府州縣歲以春秋仲月上戊祭

陳設 帛一 羊二 豕二 鉶二 籩八 豆八 簋

四 簋四 爵六

儀注 祭日各官衣朝服禮生引承祭官至拜位贊唱執

事者各司其事陪祭官各就位承祭官就位唱瘞毛血

詣盥洗所盥洗淨巾詣香案前上香復位迎神行三跪六叩頭禮興唱行初獻禮引詣神位前跪獻帛獻爵叩首興復位唱讀祝文引詣讀祝位跪衆官皆跪宣祝文畢叩首興復位唱行亞獻禮引詣神位前跪獻爵叩首興復位唱行三獻禮如亞獻儀唱飲福受胙引詣飲福受胙位跪飲福酒受福胙叩首興復位唱謝胙一跪三叩頭唱徹饌送神行二跪六叩頭禮興唱司祝者捧祝司帛者捧帛各詣燎所望燎引詣燎位焚畢揖復位唱禮畢

中祀

先師孔子廟

會典每年二月八月上丁日致祭如太學儀遇有事改

次丁或下丁通行府州縣衛各學遵行

四配

十二哲

兩廡

崇聖宮並同日祭

以上陳設儀注載學校志

先農壇

會典直省督撫及所屬府州縣衛各於所治地方擇潔淨之地設立

先農壇及藉田自雍正五年爲始每歲仲春亥日各率所屬官以及耆老農夫致祭

先農之神照九卿耕藉行九推之禮

陳設 帛一 羊一 豕一 劔一 蓮四 豆四 簋

二 盞二 爵三

儀注同 社稷壇

耕藉儀注 各官更蟒衣詣藉田行耕藉禮正印官秉耒
佐貳捧青箱播種各官俱用右手扶犁左手執鞭各行九
推禮農夫終畝畢各回官廳更朝衣望

闕恭行三跪九叩頭禮畢

神祇壇

會典載直省府州縣

社稷風雲雷雨山川諸神以春秋仲月上戊日致祭繫地方

正印官主祭前期卽令主祭官於教職內委監禮官一人
佐貳雜職內委監視祭品官一人令其虔誠執事

雍正三年議准直省府州縣

神祇壇設

風雲雷雨位於中設

山川位於左稱某府州縣境內

山川之神設

城隍位於右稱某府州縣

城隍之神

陳設 帛一 羊三 豕三 饌案三 籩豆各四 簋

簋各三 爵各三

儀注同 社稷壇

羣祀

關帝廟

會典直省府州縣以春秋二仲及仲夏中旬三日致祭

陳設 帛一 牛一 羊一 豕一 登一 鉶二 簋

十 豆十 簋二 簋三 鑪一 鐙二 香盤三 尊

三 爵九

五月十三日

聖誕 帛一 牛一 羊一 豕一 果五盤

儀注 祭日禮生引承祭官進左旁門至盥洗所贊盥洗
畢引至殿內行禮處贊唱執事者各司其事承祭官就

位陪祭官各就位唱迎神司香捧香盒就香案左邊立引
承祭官就香案前立司香跪唱上香承祭官立接將炷香
拱舉插爐內唱行三跪九叩頭禮唱奠帛爵行初獻禮引
唱詣神位前跪獻帛獻爵三叩首興復位唱讀祝文引詣
讀祝位跪祝文讀畢唱三叩首興復位唱行亞獻禮引如
初獻儀唱行三獻禮如亞獻儀退復位唱飲福受胙引詣
飲福受胙位跪飲福酒受福胙三叩首興唱徹饌送神唱
行三跪九叩禮唱捧祝帛饌各詣燎位祝帛在前香饌在
後承祭官退西旁立候祝帛饌過復位立唱詣望燎位唱
焚訖揖復位唱禮畢退

雍正三年議准

勅封關帝

曾祖爲光昭公

祖爲裕昌公

父爲成忠公製造神牌奉安後殿於五月致祭外增春秋二
祭

陳設 帛三 羊各一 豕各一 登各一 銅各二
遵豆各八 簋簋各二 鑪一 鐙一 香盤三 尊三
爵九

儀注 承祭官詣各案前奉香行二跪六叩禮餘同前殿

文昌廟

嘉慶六年禮部遵

旨議奏

文昌帝君倣照崇祀

關帝典禮致祭一摺奉

旨依議欽此移咨各直省遵照辦理每年春秋二祭以二月初三日

聖誕爲春祭八月欽天監選定吉日爲秋祭

文昌帝君三代姓名查無確據未便請加封號謹製

文昌帝君先代神牌奉安後殿照

關帝後殿祀典致祭

奎樓 上丁日祭

陳設 帛一 羊一 豕一 爵六 籩四 豆四 簋

筵七

儀注 行一跪三叩禮

忠義祠

祀常十以下十二人

節孝祠

祀旌表入祠者三十六人又秦志錄入者共勒一碑於祠內

名宦祠

祀卓茂以下七人

鄉賢祠

祀侯霸以下七人

會典直隸省府州縣附廟左右各建忠義節孝名宦鄉賢四

祠每歲春秋釋奠畢教諭一人公服詣祠致祭

以上陳設儀注並同 奎樓

厲壇

會典直隸省府州縣歲清明七月望十月朔日祭厲壇於城

北郊前期守土官飭所司具香燭公服詣

城隍廟以祭厲告本境

城隍之神黎明禮生奉請

城隍神位入壇引守土官公服詣

神位前跪興如儀退禮生仍奉

城隍神位還廟各退

城隍位陳設 帛一 羊一 豕一 爵三 饌案一

邑厲位陳設 羊三 豕三 米飯三斗

城隍聖誕每年五月二十八日祭

不奉 勅

陳設 帛一 羊一 豕一 爵三 饌案一

儀注 行二跪六叩禮

靈王廟

每年六月十二日祭

陳設同上

儀注 行一跪三叩禮

八蜡祠

乾隆三年以
劉猛將軍配

揚威侯祠

以上隨社稷壇祭

土地祠

隨壇祭 又每年二月初二日祭 不奉 耕

火神廟

每年六月二十三日祭

以上陳設儀注並同 蟲王廟

旗纛

每歲端午霜降日于演武場祭之

陳設 帛一 爵三 豕首一 饌案一

儀注同上

馬王廟

每歲春秋仲月上戊日祭 又六月二十三日祭

不赴

帛一 羊一 鷄一 素饌一案

儀注同上

白龍王廟

雍正五年奉

青京師裝塑龍像各省遣官巡詣崇祀

每歲二月初二日祭

陳設儀注並同 城隍聖誕

貞君廟

每歲春秋仲月上戌日祭 又九月初四日祭 不奉 勅

陳設同上

儀注 行一跪三叩禮

藥王廟 以下皆不奉 勅

每年九月十五日祭

陳設同上

儀注 行三跪六叩禮

大王廟

朔望行香行二跪六叩禮每年臨商私祭

城門

每新官到任一祭

陳設儀注並同 旗纛

獄神廟

三官廟

朔望行香無祭期祭品

祝文

乾隆八年頒定

社稷壇祝文

惟神贊襄天澤福佑蒼黎佐靈化以流形生成永賴乘

氣機而鼓盪溫肅攸宜磅礴高深長保安貞之士懋儀華
固實資捍禦之功幸民俗之殷盈仰禎明之庇護泰修歲
祀正值良辰敬潔豆籩祇陳牲幣尙饗

先農壇祝文

惟 神肇興稼穡粒我蒸民頌恩文之德克酬彼天念率
育之功陳常時夏茲當東作咸服先時洪惟九五之尊歲
舉三推之典恭膺守土敢忘勞民謹奉嘉章修祀事惟
願五風十雨嘉祥恒沐於神祇庶幾九穗錢岐上瑞頌書
於大有尙饗

神祇壇祝文

惟 神奠安九土粒食萬分五色以表封圻育三農而

蒼林稽泰承守土肅展明禋時屆仲秋敬修祀典九九
松栢鞏盤石於無疆翼翼黍苗佐神念於不醫尙饗

奎樓祝文

惟神七星冠首六合承輝德耀青陽祐人才而奮起祥
開紫電煥文運之光昌天象照臨士林怵虔敬修禋祀肅
展微忱尙饗

關帝祝文

惟帝浩氣凌霄丹心貫日扶正然而彰信義威振九州
完大節以篤志貞名高三國神明如在徧祠宇於寰區靈
應丕昭薦馨香於歷代屢徵異蹟顯佑羣生恭值良辰遵
行祀典筵陳饗豆凡莫狂醜尙饗

明帝先代三公祝文

惟公世澤貽庥靈源積慶德能昌後篤生神武之英善則歸親宜享尊崇之報列上公之封爵錫命倭隆合三世以肇禋典章旣脩恭逢諏吉祇事薦馨尙饗

八蜡祠祝文

於惟尊神實司歲功驅螽飲蠶五穀乃豐茲當歲禴虔具犧牲神其保佑惠此生靈尙饗

旗纛祝文

惟神旗纛是司三軍所視威揚闕外疆圉是恃若露旣肅御答膚功神其有靈歆此菲供尙饗

營祭城門祝文

詔命歸民職司守土惟兆人之攸賴並藉神功冀四序之
常調羣蒙福蔭必使雨暘應候爰占物阜而民安庶其寒
燠咸宜共慶時和而歲稔仰靈樞之默運聿筭嘉祥襄元
化以流形俾無舊害尙饗

忠義孝弟祠祝文

惟靈稟賦貞純躬行篤實忠誠奮發貫金石而不渝義
問宣昭表鄉閭而共式祇事於壽倫之大性摯蒿莪克恭
念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳簠簋來格几筵
尙饗

節孝祠祝文

惟 靈純心皎潔令德柔嘉矢志完貞全閨中之亮節竭
誠致敬彰壺內之芳型茹水蘂而彌堅自操自履寒盤匪
而匪懈篤孝傳徽

絲綸特沛乎殊恩祠宇昭垂於令典祇循歲事式薦尊醪尙
饗

名宦祠祝文

於惟 諸公檜陽先正彬彬濟美爲憲爲令宜民宜人福
有餘慶我後之人繩武是是惟茲仲秋謹以牲帛醴蠶桑
盛廢品之儀祇爲於 神尙饗

鄉賢祠祝文

於惟 諸公檜陽粹英允文允武克孝克忠泰山喬嶽與

且有聲千秋萬禩俎豆光榮惟茲仲春謹以牲帛醴醢粢秋
盛庶品之儀祇薦於神尙饗

文昌廟祝文

嘉慶六年頒定

惟神蹟著西垣樞環北極六匡麗曜協昌運之光華百
代垂靈爲人文之主宰扶正久彰夫感召蕃馨宜致其尊
崇茲屆仲春用昭時祀尙其歆裕鑒茲精虔

文昌三代祝文

祭引先河之義禮崇反本之思矧夫世德彌光延賞斯及
祥鍾累代炯列宿之精靈化被千秋緯人文之主宰是尊
後殿用答前麻茲值仲春肅將時祀用申告潔神其格

歆

拜牌儀注

萬壽聖節前一日於法海寺安設 龍亭至期五鼓文武官
衣朝服趨立丹墀下文東武西禮生四名贊引至各拜位
行三跪九叩頭禮畢各退前後三日俱蟒服坐班
皇后千秋令節元旦長至節儀注俱同不坐班

接詔儀注

詔書至文武官員皆朝服具 龍亭彩輿儀仗鼓樂出郭肅
迎 朝使捧

詔書置 龍亭中南向 朝使立亭東北禮生贊行三跪九
叩頭禮衆官及鼓樂前導 朝使隨亭後行至公署前
衆官先趨入文武分東西序跪候

使立龍亭東西向禮生贊行三跪九叩頭禮。朝使捧詔書授展讀官展讀官跪受詣香案前開讀衆官跪聽畢三品以上官跪請

聖安退易服與朝使行禮如

詔書經過及止宿文武官朝服具鼓樂出城迎接跪道右候詔書過方起隨至郵亭設香案供奉禮生贊行三跪九叩頭禮畢易服與朝使行禮臨行仍具鼓樂在道右跪送如但經過不進郵亭則但迎送不行禮如有出使官員亦同行禮迎送路過官員軍民人等俱俯伏道旁候過方起

本縣遇有

恩詔本府委禮生恭贊跪迎開讀儀注照前執事以禮生代

之在法海寺安設 龍亭宣 論

迎春儀注

每歲先期塑造春牛並塑芒神立春前一日各官朝服迎於東郊祭勾芒神行三跪九叩禮本日衣告服祭勾芒神同前禮畢各執綵杖正官擊鼓三聲環鞭土牛者三

朔望儀注

每月朔望黎明長官及僚屬謁

文廟 武廟 文昌廟行三跪九叩頭禮及各祠廟行禮畢遂率僚屬暨鄉約木鐸老人司約人等至講約所設香案禮生唱序班行三跪九叩頭禮興退班齊至講所軍民人等環列肅聽禮生唱恭請開講司講生詣香案前跪恭捧

上諭登臺本鐸老人跪宣讀畢禮生唱請宣講

上諭司講生按次講畢退

祈禱儀注

凡祈禱在 城隍廟 龍神廟設香案僧道各一班開壇
誦經鼓吹一班禮生四名各官衣素服步行至廟禮生引
至拜位贊行一跪三叩禮宣疏文畢再行一跪三叩禮焚
疏文揖退祈雨則注水盈缸插柳枝

救護儀注

凡日月薄蝕先期設香案於露臺金鼓列儀門樂人列臺
下設拜位於露臺上俱向日月至期各官俱素服齊集陰
陽生報初虧禮生贊行三跪九叩首禮正印官上香畢擊

鼓三聲金鼓齊鳴食甚再行三跪九叩首禮報復圓鼓聲止各官仍素服行三跪九叩首禮畢

到任儀注

凡新官到任行至郭外更衣鱗服先祭城門行一跪三叩禮入東門避費宮遶後街行往本衙儀門前下轎祭儀門行一跪三叩禮從中道上露臺更朝服望闕謝

闕謝

恩行三跪九叩禮拜印行一跪三叩禮更鱗服至宅內祭竈神行一跪三叩禮連發三梆出升公座皂隸排衙陰陽生報吉時用印三顆捕衙稟黍兔各書吏衆役叩賀堂吏稟堂事畢回署次早詣各廟行香

開印儀注

屆期陰陽官報吉時發三梆鼓吹陞炮開門設香案大
堂正官穿朝服上堂拜印各官隨班行三跪九叩禮望

闕謝

恩亦行三跪九叩禮回署更衣蟒服出陞公座各官稟賀庭
叅免堂吏請開印稟發僉押牌九拜按次僉押畢繳牌皂
隸排衙書役叩賀畢鼓吹陞炮封門典吏捧印進署

封印儀注

屆期陰陽官報吉時發三梆正官穿朝服上堂陞公座陞
炮鼓吹開門各官稟庭叅免吏房請印印封印大吉四字
用印三顆堂吏跪稟高陞典吏書役分班叩賀畢設案率

領各官隨班拜印行三跪九叩禮各官旁立陞炮掩門鼓樂迎印進署

鄉飲酒儀注

每歲正月十五日十月初一日於儒學行禮前一日執事者於儒學之講堂陳設坐次司正率執事者習禮至日明執事者宰牲具饌主席及僚屬司正先請學遣人速賓僕以下比至執事者先報賓至主席率僚屬出迎於庠門之外以入主東賓西三揖三讓而後升堂東西相向立贊兩拜賓坐執事又報僕至主席又率僚屬出迎揖讓升堂拜坐如前儀賓介俱至既就位執事者唱司正揚聲執事引司正由西階至堂中北向立執事者唱賓僕以下皆立

唱揖司正賓僕以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生語畢執事者唱司正飲酒飲畢以觶授執事者唱揖司正揖賓僕以下皆揖司正復位賓僕以下皆復位唱讀律令執事者舉律令案於堂之中引讀律令者詣案前北向立唱賓僕以下皆立行揖禮如前讀畢復位執事者供饌案執事者舉饌案至賓前次僕次介次主三賓以下各以次舉訖執事者唱獻賓主起席北面立執事酌酒以授主主受爵詣賓前置於席稍

退唱兩拜賓答拜訖執事又酌酒以授主主受爵詣僕前
置於席交拜如前儀畢主退復位執事者唱賓酌酒賓起
僕從之執事者酌酒授賓賓受爵詣主前置於席稍退唱
兩拜賓僕主交拜訖皆就位坐執事分左右立介三賓衆
賓以下以次酌酒於席訖執事者唱飲酒或三行或五行
供湯又唱斟酒飲酒供湯三品畢執事者唱徹饌候徹饌
案畢唱賓僕以下皆行禮僕主僚屬居東賓介三賓衆賓
居西贊兩拜訖唱送賓以次下堂分東西行仍三揖出庫
門而退

凡鄉飲酒禮序長幼崇賢良別奸頑其坐席間年高德邵
者居上高年淳篤者次之以次序齒而列其有違條犯法

者不許干於善良之席違者罪以違制敢有登華失禮者揚觶者以禮責之主知縣爲之位東南大賓以致仕官爲之位於西北僎擇於里年高有德之人位於東北介以次長位於西南三賓以下之次者爲之位於賓主介僎之後除賓僎外衆賓序齒列坐其僚屬則序爵司正以教官爲之主揚觶以罰贊禮者以老生員爲之

初歌鹿鳴之首章 次歌南山之首章

三歌湛露之首章 終歌天保之首章

鄉約儀注

凡縣城內及四鄉大村店各立講約所設約正一人以老誠有學行者爲之選樸實謹守者爲直月三四人置二籍

德業可勸者爲一籍過失當規者爲一籍直月掌之每月朔預約同鄉之人夙興齊集約所俟約正及耆老里老皆至相對三揖衆以齒分左右立設案於庭中直月向案北面立抗聲宣講。

聖諭廣訓衆皆肅聽約正復推其說必剴切丁寧務期警悟通曉未達者許其質問但不得喧嘩講畢鄉人有善者衆推之有過者直月究之約正詢其實狀衆無異詞乃命直月分書於籍直月高聲讀記善籍一遍其記過籍呈約正及在約衆人默視一遍直月收之事畢揖而退歲終則考核其善過彙冊報知縣官行勸懲之法有能改過一體獎勵之。

賓興儀注

凡大比之年先試期一月知縣擇吉具啟延致應試諸生
屆期大堂設宴演劇駕登濟橋於中門外諸生至謁知縣
行四拜禮見學師三揖卽席知縣命送酒酒三巡諸生贊
花披紅由彩橋出送至大門外禮畢

送學儀注

凡歲科試新進紅案到縣擇日設席於大堂至期諸生皆
藍衫分班叅見行四拜禮卽席給花紅鼓樂導送至

文廟墀下行三跪九叩禮退詣明倫堂知縣與學師三拜新
生叅見學師行四拜禮宣讀卧碑卽席飲三巡起立新生

向上三揖辭退

密縣志卷十

賜同進士出身候選知縣前國子監學正武進謝增

同纂

賜同進士出身密縣知縣免丙子科河南鄉試考官吳侯陞首景綸

田賦志

恩旨

順治二年奉

旨地畝錢糧自順治二年正月爲始止徵正額凡加派遼餉
新餉練餉等項悉行蠲免仍免欠糧一半其遭寇焚掠地
方順治二年錢糧應全免者全免半徵者半徵

三年奉

旨恩准免葉徵熟除密縣荒蕪上地三百一十八頃九分四

釐除荒連闕銀三千八百八十六兩一錢三分四釐

十七年奉

旨普免天下錢糧

十六年以前各直省拖欠錢糧凡係實欠在民者俱蠲免

康熙二十五年奉

旨豁免河南湖北兩省應征地丁各項錢糧一半並康熙二十

十四年未完地丁錢糧悉與豁除

二十九年奉

旨普免天下錢糧

五十年奉

旨普免天下錢糧

五十二年奉

旨直省人丁以康熙五十年丁冊定爲常額以後編審增益
名爲盛世滋生人丁永不加賦

雍正四年奉

旨丁銀派入地畝以恤有身無田之貧民

七年奉

旨蠲免豫省額徵錢糧四十萬兩

八年奉

旨直隸山東江南河南有被水州縣窮民乏食散往隣封者
着該地方官動支常平倉穀大口日給一升小口五合核
實賑恤再動用存公銀兩賞爲路費資送回籍并行文知
會原籍地方官收留照看其所用銀穀着該督撫查核報

銷嗣後以此爲例

九年奉

旨截留漕糧以脩直隸山東河南賑濟之用

十一年奉

旨蠲免河南本年地丁錢糧四十萬兩

耗羨存貯
項下撥補

乾隆元年奉

旨蠲免密縣水冲地二十二頃三十一畝五分豁除連閏銀

二百七十二兩六錢九分

三年欽奉

恩詔民年七十者准一丁侍養鰥寡孤獨及殘疾無告之人
有司留心以時養贍無致失所窮民無力營葬并無親族

收瘞者地方官擇高阜隙地無妨耕作者多設義塚隨時
埋葬勿使拋露

十年奉

上諭以寰宇清寧既鮮糜費之端亦無兵役之耗普免天下
錢糧分三年輪免

十一年奉

旨蠲免耗羨錢糧

十五年

巡幸嵩洛所有河南經過地方蠲免錢糧十分之五

又奉

旨着督撫查明經過州縣內男婦七十以上者照恩詔之例

分別賞賚

十月初四日

皇上奉

皇太后鸞輿自嵩嶽巡幸至密憇留牛鎮尖營膳畢易騎圍
獵射虎于城西北隅之裴家凹日西駐蹕于城東大營百
姓頂香跪道傍迎送以數萬計老民老婦

恩賞銀牌

十六年奉

恩旨軍民年七十以上者許一丁侍養八十以上者給與絹
一疋綿一斤米一石肉十斤九十以上者倍之至百歲者

題明給與建坊銀兩

三十一年奉

旨因

聖母萬壽普蠲天下錢糧分三年輪免

又奉

旨蠲免漕糧折色

各省州縣內有徵收折色者一體蠲免

并令業戶酌減佃戶

租課

四十二年奉

旨因

聖母仙馭升遐推廣

慈仁普免天下錢糧分三年輪免

豫省卽于本年先行蠲免

五十年奉

旨緩征漕糧

五十年止徵一半其一半于五十一年五十二年帶徵

五十五年

八旬萬壽普蠲天下錢糧分三年輪免并令業主酌減佃戶

地租

六十年奉

旨豁免河南省節年因災帶緩民欠正耗及籽種口糧牛具並河工物料帮價等項共銀三百萬零九千五百九十六兩零米麥豆共四十萬六千四百九十二石零穀五十二萬二千一百四十三石零

嘉慶元年

恩詔普免天下錢糧

四年

恩詔普免天下積欠糧米等項

十八年荒旱奉

旨蠲緩錢糧並撫恤賑濟

十九年春奉

旨展賑一月

嘉慶二十四年
覃恩普免積欠錢糧密縣無項

戶口

嘉慶二十一年編查保甲戶共三萬八百五十九口共男
婦大小十三萬零七百二十二內分大口八萬五千三百
零二小口四萬五千四百二十

按明舊額戶三千八百一十一口三萬二千二百六十七

國初招徠流亡順治九年復業戶五百七十二口五千八百二十六至乾隆十三年戶一萬二千二百男婦大口二萬五千七百七十二小口八萬一千二百三十九

明史食貨志洪武十四年詔天下編賦役黃冊以一百十戶爲一里推丁糧多者十戶爲長餘百戶爲十甲甲凡十人歲役里長一人甲首一人董一里一甲之事先後以丁糧多寡爲序凡十年一周曰排年在城曰坊近城曰廂鄉都曰里里編爲冊冊首總爲一圖鰥寡孤獨不任役者皆十甲後爲畸零僧道給度牒有田者編冊如民科無田者亦爲畸零每十年有司更定其冊以丁糧增減爲準

冊凡四一上戶部其三則布政司府縣各存一焉上戶部

者冊面黃紙故謂之黃冊年終進呈送後湖東西二庫度
藏之歲命戶科給事中一人御史二人戶部主事四人釐
校訛舛其後黃冊祇具文有司徵稅編徭則自爲一冊曰
白冊云凡戶三等曰民曰軍曰匠民有儒有醫有陰陽軍
有校尉有力士弓舖兵匠有厨役裁縫馬船之類瀕海有
鹽竈寺有僧觀有道士皆以其業著籍人戶以籍爲斷禁
數姓合戶附籍漏口脫戶許自實里設老人選年高爲衆
所服者導民善平鄉里爭訟其人戶避徭役者曰逃戶年
飢或避兵徭役者曰流民有故而出僑於外者曰附籍朝
廷所移民曰移徙

賦役

本縣民田分上中下三則共折一色行糧上地一千二百二十八頃七十五畝一分二釐九毫三絲八忽

案洪武二十年令河南開荒田永不起科每中地二畝五分折上地一畝下地七畝折上地一畝

明史食貨志凡田以近郭爲上地迤遠爲中地下地五尺爲步步二百四十爲畝畝百爲頃太祖仍元里社制河北諸州縣土著者以社分里甲遷民分屯之地以屯分里甲社民先占畝廣屯民新占畝狹故屯地謂之小畝社地謂之廣畝至宣德間墾荒田永不起科及濬下斥鹵無糧者皆裹入賦額數益于舊有司乃以大畝當小畝以符舊額有數畝當一畝者步尺參差不一人得以意贏縮土地不

均未有如北方者嘉靖八年霍韜奉命修會典言自洪武迄宏治百四十年天下額田已減強半而湖廣河南廣東失額尤多非撥給于王府則欺隱于猾民廣東無藩府非欺隱卽委棄于寇賊矣司國計者可不究心是時桂萼郭宏化唐龍簡霄先後疏請覈實田畝而顧鼎臣請履畝丈量丈量之議由此起江西安福河南濬州首行之而法未詳具人多疑憚其後福建諸州縣爲經緯二冊其法頗詳然率以地爲主田多者猶得上下其手神宗初建昌知府許孚遠爲歸戶冊則以田從人法簡而密矣萬曆六年帝用大學士張居正議天下田畝通行丈量限三載竣事用開方法以徑圍乘除畸零截補于是豪猾不得欺隱里甲

免賠累而小民無虛糧然居正尙綜核頗以溢額爲功有司爭改小弓以求田多或措克見田以充虛額遂先後按溢額田增賦

本縣民田每行糧上地一畝徵收折色糧銀一錢二分一釐一毫八絲三忽六微六纖共計銀一萬三千四百六十六兩四錢三分四釐八絲六忽三微六纖三沙五塵

正賦之外則有丁有丁則有役

康熙五十年實計見丁八千三百九十二丁每丁派銀一錢實徵丁銀八百三十九兩二錢定爲常額續生人丁永不加賦

雍正四年十二月河南總督田文鏡題准部覆丁銀派入

正賦內每折色糧銀一兩派入丁銀五分五釐六毫五絲八忽五微一纖一塵八渺八漠

以上地丁等項銀共一萬四千八百八十九兩七錢二釐遇閏加徵銀二百八十四兩九錢零八釐共銀一萬五千一百七十四兩六錢一分

明史食貨志賦役之法唐租庸調最爲近古自楊炎作兩税法歷代相沿至明不改洪武時黃冊有丁有田丁有役田有租租曰夏稅曰秋糧凡二等夏稅無過八月秋糧無過明年二月丁曰成丁曰永成丁凡二等民始生籍其名曰不成丁年十六成丁成丁而役六十而免又有職役優免者役曰里甲曰均徭曰雜泛凡三等以戶計曰甲役以

丁計曰徭役上命非時曰雜泛皆有力役有雇役府州縣
驗冊丁口多寡事產厚薄以均適其力兩稅洪武時夏稅
曰米麥曰錢鈔曰絹秋糧曰米曰錢鈔曰絹宏治萬曆時
頗有增損大略以米麥爲主而絲絹與鈔次之初字
庶天下本色稅糧三千餘萬石絲鈔等二千餘萬石
羨米粟自輸京師數百石外府縣倉廩蓄積甚豐至嘉
不可食歲歉有司徃徃先發粟振貸然後以聞雖歲貢銀
三十萬兩有奇而民間交易用銀仍有厲禁至正統元年
副都御史周銓言行在各官俸支米南京道遠費多輒以
米易貨貴買賤售十不及一朝廷虛糜廩祿各官不得實
惠請於南畿浙江江西湖廣不通舟楫地折收布絹白金

解京充俸江西巡撫趙新亦以爲言戶部尙書黃福復條以請帝以問行在戶部尙書胡濙濙對以太祖嘗折納稅糧於陝西浙江民以爲便遂倣其制米麥一石折銀二錢五分南畿浙江江西湖廣福建廣東廣西米麥共四百餘萬石折銀百萬餘兩入內承運庫謂之金花銀其後概行於天下自起運兌軍外糧四石收銀一兩解京以爲承例諸方賦入折銀而倉廩之積漸少矣嘉靖間東南被倭南畿浙閩多額外提編江南至四十萬提編者加派之名也其法以銀力差排編十甲如一甲不足則提下甲補之故謂之提編及倭患平應天巡撫周如斗乞減加派給事中何逢亦疏陳南畿困敝言軍門養兵工部料價操江募兵

兵備道壯丁府州縣鄉兵率爲民累甚者指一科一請禁革之命如燧議而提編之額不能減隆萬之世增額旣如故又多無藝之徵遺糧逾多規避亦益巧已解而總限或至十餘年未徵而報收一縣有至十萬者逋欠之多縣各數十萬賴行一條鞭法無他科擾民力不大絀一條鞭法者總括一州縣之賦役量地計丁丁糧畢輸於官一歲之役官爲僉募力差則計其工食量爲增減銀差則計其交納之費加以增耗凡額辦派辦京庫歲需與存留供億諸費以及土貢方物悉併爲一條皆計畝徵銀折辦於官故爲之一條鞭法立法頗爲簡便嘉靖間數行數止至萬厯九年乃盡行之至四十六年驟增遼餉三百萬時內帑充

積勞不肯發戶部尙書李汝華乃授徵倭播使加三釐五毫天下之賦增二百萬有奇明年復加三釐五毫明年以兵工二部請復加二釐通前後九釐增賦五百二十萬遂爲歲額天啟元年給事中甄淑言邊餉加派易致不均蓋天下戶口有戶口之銀人丁有人丁之銀田土有田土之銀有司徵收總曰銀額按銀加派則其數不漏東西南北之民甘苦不同布帛粟米力役之法徵納不同惟守令自知其甘苦而通融其徵納今因人土之宜則無偏枯之累其法以銀額爲主而通人情酌土俗頒示直省每歲存留起解各項銀兩之數以所加餉額按銀數分派總提折扣裒多益寡期不失餉額而止則愚民易知可杜奸胥

意爲增減之弊且小民所最苦者無田之糧無米之丁田鬻富室產去糧存而猶輸丁賦宜取額丁額米兩衡而定其數米若干卽帶丁若干買田者收米便收丁則縣冊不失丁額貧民不致賠累而有司亦免逋賦之患下部覆議從之崇禎三年軍興復於九釐外每畝加徵三釐共增賦百六十五萬四千有奇五年復加宦戶田賦十之一民糧十兩以上同之旣而概徵每兩一錢名曰助餉越二年復行均輸法因糧輸餉畝計加米六倉石折銀八錢又畝加徵一分四釐九絲越二年楊嗣昌督師畝加練餉銀一分御史衛周嗣言嗣昌流毒天下勦練之餉多至七百萬民怨何極御史郝晉亦言萬厯末年合九邊餉共二百八十

萬今加派遠餉至九百萬勦餉三百三十萬業已停罷旋
加徵餉七百三十餘萬自古有一年而括二千萬以輸京
師有括二千萬以輸邊者乎役法定於洪武元年田一頃
出丁夫一人不及頃者以他田足之各日均工夫逾造黃
冊成以一百十戶爲一里分十甲曰里甲以上中下戶爲
三等五歲均役十歲一更造一歲中諸色雜戶應役者編
第均之銀力從所便日均徭他雜役曰雜泛凡祇應禁子
弓兵悉僉市民毋役糧戶後法稍弛編徭役里甲者以戶
爲斷放大戶而勾單小於是議者言均徭之法按冊籍丁
糧以資產爲宗覈人戶上下以蓄藏得實也稽冊籍則富
商大賈免役而土著困覈人戶則官吏里胥輕重其手而

小民益窮蹙二者交病然專論丁糧庶幾古人租庸調之意乃今以舊編力差銀差之數當丁糧之數難易輕重酌其中役以應差里甲除當復者論丁糧多少編次先後日鼠尾冊按而徵之市民商賈家殷足而無田產者聽自占以佐銀差崇禎三年河南巡撫范景文言民所患苦莫如差役錢糧有收戶解戶驛遞有馬戶供應有行戶皆僉有力之家充之名曰大戶究之所僉非富民中人之產輒爲之傾自變爲條鞭法以境內之役均於境內之民宜少甦矣乃民間仍歲奔走罄資津貼是條鞭行而大戶未嘗革也

正賦之外有漕米

本縣每年額徵正改兌起運漕糧共一千五百
二斗四升一合內奉文徵收白麥一百九石四斗八升改麥
三百六十四石四斗一升三合三勺黑豆七百四十一石
二斗二升小米三百六十五石一斗二升七合七勺
一五耗徵收正糧解赴楚旺水次交兌其耗米作爲津貼
銀津貼米加增米漕耗折銀四項之費向無定額
水次開兌時定數懸榜隨正開兌掣給通關

按豫省漕糧

國朝定鼎以來皆徵本色至康熙十三年始折銀解部密縣
折米價銀一千三十七兩一錢五分六釐其後或徵或折
無一定之規迨康熙五十八年刑部尙書張廷樞條奏改

折部議覆准將附近水次之彰懷衛三府及開封府屬之陽武封邱原武三縣徵輸本色起運其不近水次之歸德河南并汝州及開封屬之各州縣折徵銀兩交糧道採買起運于是通省之漕取資三府好牙地棍乘間居奇部價不敷官民交困雍正六年巡撫田文鏡題准仍復舊例統徵本色并將豫省河南不近水次州縣漕糧按程途遠近于所徵耗羨給作腳價外每石加給腳價銀五分至二錢三錢不等遂永爲定例

明史食貨志漕運凡三變初支運次兌運支運相參至支運悉變爲長運而制定淮海運道凡二而臨清倉儲河山東粟亦以輸北平台而計之爲三運惟海運用官船

餘則皆民運云時淮徐臨清德州各有倉江西湖廣浙江民運糧至淮安倉分遣官軍就近輓運自淮至徐以浙直軍自徐至德以京衛軍自德至通以山東河南軍以次遞運歲凡四次可三百萬餘石名曰支運支者不必出當年之民納納者不必供當年之軍支通數年以爲裒益期不失常額而止由是海陸二運皆罷惟存遮洋船每歲於河南山東小灘等水次兌糧三十萬石十二輪天津十八由直沽入海輸薊州而已宣德四年議復支運法惟山東河南北直隸則逕赴京倉不用支運尋令南陽懷慶汝寧糧運臨清開封彰德衛輝糧運德州其後山東河南皆運德州倉六年陳瑄言江南民運糧諸倉往返幾一年誤農業

令民運至淮安瓜洲兌與衛所官軍運載至北給與路費
耗米則軍民兩便是爲兌運命羣臣會議吏部奉義等上
官軍兌運米糧加耗則例以地遠近爲差每石湖廣八斗
江西浙江七斗南直隸六斗北直隸五斗民有運至淮安
兌與軍運者止加四斗如有兌運不盡仍令民自運赴諸
倉不願兌者亦聽其自運軍旣加耗又給輕齎銀爲洪開
盤撥之費且得附載他物皆樂從事而民亦多以遠運爲
艱於是兌運者多而支運者少矣軍與民兌米徃徃恃強
勒索帝知其弊敕戶部委正官監臨不許私兌已而頗減
加耗米遠者不過六斗近者至二斗五升以三斗爲率
分與米一分以他物準正糧斛面銳耗糧俱平樂民順奉

兌運法行久倉吏覬耗餘入庾率兌斛面且求多索軍國甚憲宗卽位漕運參將袁佑上言便宜帝曰律令明言收糧令納戶平準石加耗不過五升今運軍願明加則倉吏侵害過多可知今後令軍自槩每石加耗五升毋溢勒索者治罪後從督倉中官言加耗至八升久之復溢收如故屢禁不能止也成化七年乃有改兌之議時應天巡撫滕昭令運軍赴江南水次交兌加耗外復石增米一斗爲渡江費後數年帝乃命淮徐臨德四倉支運七十萬石之米悉改水次交兌由是悉變爲改兌而官軍長運遂爲定制嘉靖元年漕運總兵楊宏請以輕齎銀聽運官道支爲雇做舟車之費不必裝鞘印封計算羨餘以苦漕卒給事御

史交駁之戶部言科道官之論主於防奸是也但輕齎本
資轉運盤費今慮官軍侵耗盡取贏餘以歸太倉則以腳
價爲正糧非立法初意也乃議運船至通州巡倉御史覈
驗酌量支用實數著爲定規有羨餘不輸太倉卽用以修
船官旗漁蠹者重罪輕齎銀者憲宗以諸倉改兌給路費
始各有耗米兌運米俱一平一銳故有銳米自隨船給運
四斗外餘折銀謂之輕齎凡四十四萬五千餘兩後頗入
太倉矣

正賦之外有耗羨

本縣地丁一四加耗每年額徵銀二千零五十一兩三錢
七分三釐又漕耗銀三十三兩一錢八分五釐共實徵銀

二千零八十四兩五錢五分八釐

遇閏加銀三十九兩八錢八分七釐應征銀二千一百二十四兩四錢四分五釐

按雍正二年河南巡撫石文焯奏請將耗羨歸公除給知縣養廉公費並典史養廉外餘銀俱解司庫

正賦之外有鹽課

按長蘆鹽法志河南密縣綱引二千零五十四道分認京引九十四道每引配鹽三百觔河南路遠包皮繩索沿途拋散折耗共包加鹽十五觔每引課銀五錢二分零四絲二忽共課銀一千一百十七兩零五分本衙赴轉運司完納其天津坨鹽由御河至大名縣白水潭換小船至汲縣

落廠車運由榮澤縣渡黃至本縣觀音堂廠駝運至城內
送總店分銷每觔價錢二十六文

明史食貨志有明鹽法莫善于開中洪武三年山西行省
言大同糧儲自陵縣運至太和嶺路遠費煩請令商人于
大同倉入米一石太原入米一石三升給淮鹽一小引商
人驚畢卽以原給引目赴所在官司繳之如此則轉運費
省而邊儲充所謂開中者召商輸糧而與之鹽謂之開中
其後各行省邊境多召商中鹽以爲軍儲鹽法邊計相輔
而行正統三年寧夏總兵官以邊軍缺馬而延慶平涼官
吏軍民多養馬乃奏請納馬中鹽

國朝引不幾中各商領引赴場支鹽到坨築包聽候稱掣運

赴派定各州縣行銷

正賦之外有雜稅

本縣老稅銀二十兩零四分又額設牙帖一百四十二張
稅銀五兩二錢五分又當稅銀五兩又康熙四十九年新
增稅銀四十六兩四分八釐又雍正五年奉文首盈餘銀
八十四兩五分二釐又牲畜活稅銀二十兩九錢一分又
房地稅儘徵儘解

明史食貨志關市之征宋元頗繁瑣明初務簡約其後增
置漸多行齎居鬻所過所止各有稅惟農具書籍及他不
鬻于市者勿算應征而藏匿者沒其半正統中以兵部侍
郎于謙奏革直省稅課司局領其稅于有司九年復設征

權漸繁矣自隆慶以來凡橋梁道路關津私擅抽稅酒利
病民雖累詔察革不能去也迨兩宮三殿災營建費不貲
始開礦增稅于是中官遍天下非餉稅卽領礦驅脅官吏
肆爲攘奪所至數激民變帝率庶不問至光宗立始盡捐
天下額外稅撤回內監其派入地畝行戶人丁間架者悉
免之天啓中復權水陸衝要量稅什一崇禎九年復增稅
課款項而商民益困矣

倉貯

常平倉原貯穀一萬九千石溢額穀二千七百五石六斗八
升二合五勺

濟倉原貯穀五千石溢額穀四百九十石

奉文歸貯
常平倉

義社倉額貯穀三百三十三石四斗六升五合八勺

奉文附貯常平

倉

勸捐社倉自乾隆十六年起存穀九千八百七十五石七斗九合九勺向係分貯四鄉三十六處社長家乾隆三十年各社長呈請歸貯城倉詳奉 憲批暫貯常平倉屢年出

借征收息穀七千三百一十五石一斗七升二合一勺乾

隆四十九年署縣丁因鄉民赴城領穀維艱詳請于在城

西街東北鄉觀音堂東南鄉大隗鎮西鄉牛兒店建蓋社

倉四座變動息穀四千三百三十三石七斗三升六合九

勺作爲建倉工料之資雖有四倉名目實則仍照舊規分

貯二千保社長之家前項社穀除變價外存穀一萬二千

八百五十八石一斗四升五合一勺歷年出借又收息穀
二百八十四石八斗共存穀一萬三千一百四十二石九
斗四升五合一勺

嘉慶二十四年詳請豁免外實存穀一千七百九十四石八升五合一勺

明史食貨志洪武三年令州縣設預脩倉東西南北四所
以振南荒永樂中令天下府縣多設倉儲預脩之在四鄉
者移置城內初太祖設預脩倉選耆民運鈔糴米以脩振
濟卽以掌之天下州縣多所儲蓄後漸廢弛于謙撫河南
山西修其政宏治三年限州縣十里以下積萬五千石
十里積二萬石考滿之日稽其多寡以爲殿最江西巡撫
林俊嘗請建常平及社倉嘉靖八年乃令各撫按設社倉
令民二三十家爲一社擇家殷實而有行義者一人爲社

首處事公平者一人爲社正能書算者一人爲社副每朔望會集別戶上中下出米四斗至一斗有差斗加耗五合上戶主其事年飢上戶不足者量貸稔歲還倉中下戶酌量賑給不還倉有司造冊送撫按歲一察核倉虛罰社首出一歲之米其法頗善然其後無力行者

地丁起解

布政司衙門地丁正銀一萬二千一百八十六兩零五分八釐 遇閏加銀一百八十五兩三錢六分九釐應解銀一萬二千三百七十一兩四錢二分七釐

牛角銀一兩三錢零三釐

按察司衙門驛站餘剩改解銀三百十九兩五錢一分四釐

遇閏加銀三十七兩四錢三分六釐應解銀三百五十一兩九錢五分

裁扣夫馬工料小建共銀五十三兩九錢一分 遇閏加銀

四兩三錢五分應解銀五十八兩二錢六分

開歸道衙門河夫銀三百三十兩零六錢一分三釐

糧道衙門漕項隨漕銀八百六十一兩零六分五釐內分六

八漕折銀四百四十五兩八錢一釐輕費銀九十六兩一

分五釐折席銀四兩二錢一釐漕米價節省銀二百二十

八兩三分五釐盤剝銀一十八兩三釐漕糧閏耗銀六十

兩九釐米價節省銀一兩一釐

以上六項共解銀一萬三千七百五十二兩四錢六分五

釐 遇閏加銀二百二十七兩一錢五分五釐共應解銀
一萬三千九百七十九兩六錢一分八釐

耗羨起解

布政司衙門耗羨五百七十一兩三錢七分三釐 遇閏加
銀三十九兩八錢八分七釐應解銀六百一十一兩二錢六
分

糧道衙門漕耗銀三十三兩一錢八分五釐

不加

以上二項共應解銀六百零四兩五錢五分八釐 遇閏
應解銀六百四十四兩四錢四分五釐

地丁存支

文廟春秋二季修理銀六兩八錢八分一釐

文廟祭祀銀四十兩

蚩蜡等壇銀十九兩零七分二釐

邑厲壇銀三兩二錢五分

關帝廟祭祀銀四十兩

文昌祠祭祀銀二十六兩六錢六分六釐

白龍廟祭祀銀六錢二分

軍牙六燾神祭祀銀二兩四錢八分四釐

愚王廟祭祀銀一兩二錢四分二釐

火神廟祭祀銀八錢二分六釐

卓君廟祭祀銀一兩七錢二分

土地祠祭祀銀一兩二錢四分二釐

習儀擺茶銀五錢七分三釐

鄉飲二會銀四兩一分四釐

以上二款因不舉行仍行解司

濶布並舖墊共銀十一兩九錢九分三釐

乾隆三年 奏准本色布一十七疋三尺二寸每疋銀六錢五分共價銀一十一兩一錢三分七釐每疋舖墊銀五分共該舖墊銀八錢五分六釐

塘馬三匹草料銀五十三兩一錢 遇閏加銀四兩五錢

鞍屨槽鋤銀十兩零九錢一分

走遞夫一名銀十五兩九錢三分 遇閏加銀一兩三錢五

分

馬夫二名銀三十一兩八錢六分 遇閏加銀二兩七錢

本縣知縣俸除荒實支銀二十五兩八錢零三釐

門子二名工食銀十二兩 遇閏加銀一兩

皂隸十六名工食銀九十六兩 遇閏加銀八兩

快手八名工食銀四十八兩 遇閏加銀四兩

快手喂馬草料銀四十九兩五錢四分 遇閏加銀四兩八

錢二分二釐

民壯二十名工食並器械銀一百六十兩

轎傘扇夫七名工食銀四十二兩 遇閏加銀三兩五錢

庫子四名工食銀二十四兩 遇閏加銀二兩

禁卒八名工食銀四十八兩 遇閏加銀四兩

舖司兵十四名工食銀四十三兩 遇閏加銀三兩五錢分

分三釐

斗級四名工食銀二十四兩 遇閏加銀二兩

典史俸除荒實支銀十八兩零七分三釐

門子一名工食六兩 遇閏加銀五錢

皂隸四名工食銀二十四兩 遇閏加銀二兩

馬夫一名工食銀六兩 遇閏加銀五錢

教諭俸銀四十兩

喂馬草料銀三兩四錢四分 遇閏加銀三錢二分五釐

齋夫三名工食銀十八兩 遇閏加銀一兩五錢

訓導俸銀四十兩

喂馬草料銀三兩四錢四分 遇閏加銀三錢二分五釐

齋夫三名工食銀十八兩 遇閏加銀一兩五錢

門斗二名工食銀十四兩四錢 遇閏加銀一兩二錢

廩生二十名廩餼除荒實支銀六十一兩一錢三分三釐

遇閏加銀五兩零九分五釐

膳夫二名工食銀四十兩 遇閏加銀三兩三錢三分三釐

以上共應支銀一千一百三十七兩二錢一分二釐 遇

閏加銀五十七兩七錢五分三釐

耗羨存支

知縣養廉一千二百兩

新例解司扣

歲科
帶價三成

公費二百兩除每年批解裁減公費四十兩實支銀一百六

十兩

典史養廉八十兩

以上共應支銀一千四百四十兩

攤征

城壕土方嘉慶五年爲始分作二年攤征每年征銀九百五十餘兩

睢工加價嘉慶七年爲始分作五年攤征每年征銀一千九百五十餘兩

衡工加價嘉慶十二年爲始分作十年攤征十二三四五六等每年攤征銀三千六百一十餘兩十七八兩年年攤征銀三千四百六十餘兩十九二十二十一等年年攤

征銀三千四百七十八兩不等

衛工善後及修防歲科稍價自二十二年起限分作兩年攤
征每年征銀二千四百五十二兩一錢四分

稽料

密縣爲飭議事乾隆二十六年十二月初三日蒙 本府牌
本年十一月二十三日蒙 管河道牌開本年十一月二
十日蒙 總河部堂張批本道詳覆議辦南岸壬午年歲
修物料並應發各廳自辦雜料銀兩各數詳由蒙批如詳
飭辦仰卽發帑飭令各廳州縣上緊構辦依限運工照例
造冊請盤仍將各廳二十五年分節省秬稽卽於發辦自
辦雜料銀兩扣銀掃數詳報並將發過銀數日期報查餘

已悉此繳等因蒙此查上南河廳應備稽一千萬觔榔
五萬觔下南河廳應備稽五百萬觔草十萬觔照依向例
應令開封府承領銀兩發辦儀封廳備稽二百萬觔草十
萬觔榔十萬觔商虞廳應備稽二百萬觔草二萬觔應令
歸德府承領銀兩發辦查開封府屬尙欠交楊橋大工稽
一百萬觔歸德府屬尙欠交楊橋大工稽四百萬觔均經
給發例價應將開屬欠交稽一百萬觔就近運上南河廳
抵作歲搶料物歸屬欠交稽四百萬觔就近分運商虞儀
封二廳抵作歲搶料物開封府屬實應辦稽一千四百萬
觔歸德府屬實應辦稽一百萬觔惟是開屬今歲被災州
縣較多楊橋大工已經疊派夫料兼有應辦北岸大工歲

捨料物若復令辦稽一千四百萬觔誠恐民力拮据而歸屬未被災州縣尙多雖亦經派大工料物然此次催辦稽一百萬觔與開屬相較實屬多寡懸殊不無偏枯應將開封府應辦下南河屬稽五百萬觔令歸德屬代辦運交歸德府屬實辦稽六百萬觔草二十萬觔柳十萬觔開封府屬實辦稽九百萬觔草十萬觔柳十五萬觔以均勞逸嗣後發辦仍循向例除行各屬遵照外合行飛飭爲此仰府官吏查照單開牌內事理卽便核明應領料物價出具印領專差赴道請領銀兩乘時分發各州縣上緊購辦依限運工毋違速速等因到府蒙此合行飭辦爲此仰縣官卽便遵照後開派辦料物數目迅速備具交領一樣三

曹差經承妥役星速赴府請領價銀以憑給發領回上緊採辦運交均毋遲延速須牌計開密縣領辦上南河汛鄭州邵家寨工稽八十萬觔價銀七百二十兩內扣除

部飯銀七兩二錢實領銀七百一十二兩八錢等因到縣

蒙此卑職遵查卑縣所屬境內地處山崗石多土燥民間

于麥收後以高粱須平原底窪之地始行生發大長故種

豆者十居其六種穀者十居其三高粱一項種者無幾其

種籽亦皆拳曲細短又山徑崎嶇素無車輛是以卑縣歷

年以來一切河工料物從未派辦本年楊橋緊急大工需

料甚多非同歲搶料物之比奉憲檄飭一體派辦卑職

因係急工不比尋常何敢以歷年未辦料物爲辭隨遍諭

各保搜羅上緊購買小民肩挑驢駝運交工所幸免愆尤

然自楊工告竣之後卑縣民間已無寸莖尺楮今奉檄飭

領辦上南河壬午年歲修稽勛銀兩卑職不敢冒昧具領

緣卑縣歷來未經承辦料物今自楊工辦料之後並無稊

稽遺餘所有歲捨料物萬難領辦卑職不敢稍有捏飾致

干嚴譴緣奉檄飭理合將卑縣難以領辦緣由據實詳請

憲臺裁核俯賜轉詳實爲公便爲此條由開冊具申伏乞

照詳施行須至申者本年十二月十二日蒙本府批該縣

地方本年丑未被災購辦尙易卽卽請領銀兩上卑辦運

毋得藉詞諉延致滋貽悞有干未便繳因未准免辦蒙批

又詳一件爲飭議事乾隆二十七年正月初九日蒙本府

批據縣詳請歲搶料物萬難領辦緣由蒙批該縣地方
並未被災購辦尙易仰卽請領銀兩上緊辦運毋得藉詞
諉延致滋貽悞有干未便繳等因蒙此該_{卑職}查得_{卑縣}
地處山崗不宜播種高粱歷年來並無派辦河工一切料
物之例前詳業已脩陳明晰茲蒙批飭以_{卑縣}地方去年
並未被災購辦尙易等因遵卽飭辦聞茲據士民紛紛具
呈據稱密邑不產秬稭無論被災不被災委無料物可辦
是以向來無派辦之例况現在實無寸稭從何購辦民力
實難支持勢必貽悞等情據此_{卑職}目擊情形何敢強令
辦運致滋貽悞理合據情再行具詳仰懇 憲台俯念輿
情核入前詳仍將所派鄭州邵家寨歲搶秬稭八十萬觔

轉詳免辦實爲恩便爲此條由開冊具申伏乞照詳施行
須至申者乾隆二十七年正月十三日蒙 本府批查楊
橋後戡奉 道憲飭派該縣辦積八十九萬觔本府因數
目過多業經改派陳尉等員辦運矣此項料物未便再任
誘卸但旣稱採辦雜艱又難聽其貽悞仰候轉懇 道憲
酌免一半仍速請領銀兩設法購買四十萬觔上緊運工
備用毋再遲違取咎至協辦歲給料物後不爲例已於減
夫詳內條細批明現復呈詳 道憲立案俟批示至日另
繳行知卽先遵照曉諭可也此繳一件爲行知事乾隆二
十七年正月十八日蒙 本府爲行知事據該縣申境內
情形實難購辦歲捨料物詳由到府據此除長詳存俟開

印掛發外合先錄批行知爲此仰縣官吏前便遵照辦理
毋違須牌乾隆二十七年勒石

書院租稞

肥地一頃五十畝每年租稞銀六十兩瘠地四頃三十三
畝八分二釐每年租稞銀七十七兩八錢二分共地五頃
八十三畝八分二釐共租稞銀一百三十七兩八錢二分
普濟堂租稞

地二頃七十一畝六釐每年租稞銀二十六兩五錢錢三
千一百四十文又上地一頃九十一畝四分二釐二毫九
絲每年租稞銀四十四兩九錢二分錢八百文二共地四
頃六十二畝四分八釐二毫共租稞銀七十一兩四錢二

分錢八百文

又交當籌條本銀一百二十九兩一錢一分三釐每月二分生息每年息銀三十兩九錢八分七釐遇閏加銀二兩五錢八分一釐六毫

二共銀一百零二兩四錢七釐遇閏加銀二兩五錢八分一釐六毫

卷十一

賜同進士出身候選知縣前國子監學正武進謝增

賜同進士出身候選知縣前國子監學正武進謝增
同纂

風土志

節序

正月元旦祀諸神及先祖尊卑以次相拜乃出贊節立春

七日祀火神元宵四街演劇祀神文廟張燈放花炮十六

日四鄉婦女入城拜城隍官署夜遊散百病二月三日祀

文昌清明拜先塋封土祭奠插柳枝祀牛王穀雨畫符禁

蝎端陽薦狗黍蒲酒二十八日祀城隍土庶醮會演戲六

月六日婦女結社具扇奉廣生廟申元拜奠於祖墓中秋

薦月餅重陽薦花糕登高十月朔祀土地拜奠於祖墓焚
冥衣長至拜賀同元旦臘八日作五花粥二十三日祀竈
用糖除夕貼桃符守歲

農時

春正月立春農乃修田器雨水出糞于場二月驚蟄春分
耕者畢出上糞犁地三月清明及時雨麥苗勃發稻秧初
種稻出超花大塊沿河一帶耩高粱木棉穀雨乃耩植穀種芝蔴麥始

秀

夏四月立夏旱田耘草菜子成熟小滿十日麥盡登水田
耘草乃種植黍稷五月芒種及時雨乃耩晚穀於麥田種
豆夏至晚田三四耩種晚黍於麥田六月小暑植穀高

梁成吐穗稻田亦秀芝蔴出槊子大暑大雨時行穀苗勃發黍稷吐穗晚田成秀中伏種蕎麥菜子

秋七月立秋木棉吐花植穀成熟高粱黍稷皆先登豆田出莢子處暑水稻登場八月白露及時雨上糞犁麥地晚田成熟打穀忙蕎麥乃出槊子秋分豆田成熟九月寒露種宿麥木棉乃收霜降蕎麥始登于場

冬十月立冬小雪雜糧咸入于圈囤乃泥封園蔬入窖犁查地十一月大雪冬至農事畢填牛羊圈積糞土以貯麥歲之用十二月小寒臘雪布于野則蝗蝻入地宿麥盤根大寒新酒初熟乃碾穀米以備春耕

穀種

一曰粟穀卽小米有黃白二種早種爲植穀三月下旬構種六月上旬吐穗七月上旬成熟約一百二十日收穫晚種爲晚穀五月中旬構種六月下旬吐穗八月上旬成熟約百日收穫凡穀多作飯一曰酒穀亦稱小黃米止一種早晚同粟穀凡酒穀多作酒亦作餈糖一曰黍米亦稱大黃米止一種四月中旬構種六月上旬吐穗七月上旬成熟約八十日收穫凡黍米多作酒一曰稷米有黎黑二種早晚同黍米凡稷米多蒸餈一曰稻米卽大米止一種三月中旬栽種六月中旬吐穗八月中旬成熟約一百五十日收穫凡稻米多作飯一曰小麥有紅白二種紅麥多日麥少九月初旬構種四月初旬吐穗五月初旬成熟約

百四十日收穫凡小麥多作麵一曰大麥止一種早晚同
小麥凡大麥多作麵一曰蕎麥止一種六月中伏耩種八
月上旬出梁子九月上旬成熟約七十日收穫凡蕎麥多
作麵一曰高粱有黑白紅三種三月初旬耩種六月上旬
吐穗七月上旬成熟約一百二十日收穫凡高粱多作酒
亦蒸饅一曰黃豆有大小二種五月麥後耩種七月中旬
出莖八月中旬成熟約一百日收穫凡黃豆多作麵及豆
腐一曰黑豆止一種早晚同黃豆凡黑豆多飼馬一曰綠
豆止一種多作涼粉一曰小豆一曰豇豆一曰豌豆多作
飯包饅凡綠豆小豆早晚同黃豆凡豇豆早晚同穀豌豆
早晚同大麥一曰芝麻有黑白二種三月下旬耩種六月

中旬出梁子八月上旬成熟約一百二十日收穫凡芝蔴
多作油凡地兩年三收凡水地種稻一年一收凡雨澤愆
期大田遲悞不得已乃種蕎麥以補缺乏大率民間常食
以小麥麵粟米爲主以黃豆及雜糧佐之其大米飯俗所
珍惜以供賓祭之需非常食所用至高梁蕎麥則不堪久
貯云

物產

薊栢 瑇瑁之玉

山海經敏山卽七敏山上有木焉其狀如荆白花而赤實名曰

薊栢服者不寒其陽多瑇瑁之玉

辨雅云少棠不沈思淵不腐女貞不凋薊栢耐寒

鐵 美石 青瑩 蘘草

鉄 美石 青堊 猿草

山海經大駮之山其陰多鉄美石青堊有草焉其狀如蒼而毛青花而白實其名曰猿服之不夭可以已腹病圖贊云大駮之山爰有萃草青花白實食之無天雖不增齡可以窮老

亢木 蛇 少辛

山海經浮戲之山有木焉葉狀如樗而赤食名曰亢木食之不蠱東有谷曰蛇谷上多少辛註谷中出蛇故以名之少辛細辛也

陶潛讀山經詩丹木在何許迺在崧山陽黃花復朱實食之壽命長白玉擬李液瑾瑜發奇光豈伊君子實見玉我

卷十一 物產
羲皇

玉膏

山海經崑崙山之上丹水出焉中多玉膏其源沸沸湯湯黃帝是食玉膏所出五色乃清五味乃馨

文石

晉書杜預遺令集洧水自然文石以爲冢藏不勞工巧

上水石

出上水洞洞底有坑水漏其內緣而上復滴而下居人用以飲蜂又謂飲蜂石雲岩亦有

按濟縣志上水石能使水上逆質甚玲隴可供清玩

出超化西岡掘井丈餘得之盡以土實之不數年仍化粉
土外省人呼爲超化粉凡塑神像必以此傅面有生色

煤

開鑿非至數十丈不得徃徃有工費數月而頓棄者貧者
或藉以富而富者亦因以致敗固非王孫程鄭鉄冶比矣
山氓無田每借開鑿餬口然時而遇水遇火傷人亦多

蓑楚

詩檜風隰有蓑楚

埤雅蓑楚鈹芑今羊桃也白華子如小麥其葉與實皆似
桃故有桃之號也

何首烏

中州雜俎舊傳生獄中者良今已無有惟山間有之大者亦不易得闡刷之者呼何先生何在佯答曰在此則舉鋪而得亦神矣哉

雲桑

中州雜俎云雲桑生密縣山野中其樹枝葉皆類桑其葉如雲頭花紋如木藥葉微潤開青細黃花其葉味微苦能救飢燥熟換水浸淘去苦味油鹽調食或蒸晒作茶尤佳

桑

葉可蠶皮可紙甚可食杖可爲農器惟杖之利爲多

冬桃

中州雜俎密縣有一重冬桃夏花秋實八九月間桃自開

其核墮地而復合肉生滿其中至冬而熟味如淇上銀桃

其核墮地而復合肉生滿其中至冬而熟味如淇上銀桃而加美亦異品也

地黃苗

地黃本出懷慶藉沛水灌漑性故純陰而下沉也其苗實產于密懷人購而植之

金銀花

鮮者香味甚佳山中種植者多頗獲利

鴛鴦花

花實雙開雙結如朱櫻可食

小藍靛

出超化蒜後栽秧八月成熟色最鮮明

蒜

黑鬚大瓣者爲上白皮者次之紅者爲下以產超化者佳
爲利甚普鄰境多取資焉

香鼠

周櫟園書影予鄉密縣西山中多香鼠較凡鼠頗小死有
異香蓋山中之鼠多食香草亦如獐之有香膾也山中人
得則置篋筒中經年香氣不散

中州雜俎產開陽山周圍三里內樵牧者偶遇之不能多
得經人行之路則抱蒿莖棘枝而死

字典密縣雪霽山出香鼠長寸餘齒鬚畢具香類麝過六

路則死

紅鶴

紅鶴

中州雜俎大如舒雁羽白而竊朱聲最濁食魚巢樹疑漢朱鷺卽此也

鴝鵒鷄

類大雛鷄羽黑喙足赤養之亦馴俗以其鳴聲呼之

醉魚

中州雜俎云溱洧水清有魚數種土人不善施網罟冬積柴水中爲溲以取之以搗澤蓼雜大麥撒深潭中魚食之輒死浮水上可俯拾久之復活謂之醉魚

蜂蜜

養蜂者多故蜜亦賤

棉紬 繭紬

出繭多而工作少製不甚佳絲皆售于客販

瓷器

土人開土建冶設滑爐以陶瓷器如缸甕罈罐之類皆果
止供農家之用

按物產祇錄經藉所載及本地專產并擅其利者餘皆從
節

昏娶

一曰行聘媒妁之言既通擇日婿家具啟遣使送庚帖爲
懇親女家回啟送庚帖爲允親各具筵款客婿家以紬綾
首飾壓妝女家用文房四寶壓妝女家以蠟燭之一曰

請期標梅伊邇婿家乃請婦翁及媒妁款宴名曰吃會合
婿出拜見焉婦翁歸乃備奩具婿家亦爲新郎新婦製衣
一日親迎吉期既屆擇尊長者引婿盛服往更有娶女客
二人至婿家爲婿披紅簪花婿陳菓品爲主人祭其先祖
祭畢主人設饌宴婿宴畢送女登輿婿前導送女客隨于
後入門以草節錢果撒之謂之撒喜中庭設香案同拜天
地然後爲新人梳粧送入洞房奩具豐者先期送薄者卽
夕行次日女家送酒席謂之送飯其族親男女同來謂之
送飯客親友俱來賀喜三日新人梳粧拜竈次祖廟次舅
姑次及所親遍拜焉第四日新郎同新人至女家拜岳父
母并族親飯畢偕返第六日女家接新人歸寧至十二日

送回

喪葬

親初沒孝子被髮跣足哭踊無數子婦亦然每日三次進饌如事生禮三日乃殮門糊白紙行成服禮親友各具香楮弔每七日必奠四七大奠百日亦然或踰月葬或踰年葬屆期豫請大賓禮賓開弔日禮賓以吉服往行家奠禮每日行朝夕奠禮有弔者哭而謝之葬之前一日行遷柩禮又行朝祖禮又行辭靈禮至期大賓排執事以吉服往行告主禮孝子行起靈禮又行遣奠禮先聘土官祀后土大賓詣題主棚題主孝子行成主禮大賓行安主禮親友行安主禮然後下葬安誌銘窆帛表墓門以土實之孝子

奉主至家行虞祭禮三日詣墳祭四七百日亦然

習尚

密邑地瘠民貧四民各勤其業一曰士性多謹愿勤于誦讀無鬻麥浮靡之習有地之家入則橫經出則負耒其貧無地者設館授徒常聚至數十人而館穀甚微士人婦女皆甘荆布搽井曰亦佐田事一曰農忙則男耕女饁暇則男糞女織出作入息不遑他務田禾熟時婦女割刈一如男子終歲勤動鮮輟耕游惰之人其礪确之地不能耕者以種植爲業多收果核卽屬有年是又不以禾黍豐凶爲利病也一曰工民生谿谷氣性淳龐目不覩竒技淫巧故工匠頗拙其治尋常器用外惟織棉繭紬陶黑釜創煤採

石無他雜藝。一曰商民性戀土。不善貿利。市鎮交易。抱布握粟而退。近惟煤、蒜、桑、杖、金、銀、花、利稍多。然皆售於遠客。未嘗服賈。牽車其操奇贏。網市利者。皆外來之人。大者則鹽、當、二、商城中行鹽官店。一鄉鎮子店。三十有六。當則僅大隗鎮一座而已。其風俗急公義。樂輸將。從無逋糧。尤崇儉朴。務節。嗇布衣糲食。率以爲常。屋宇多草房。土垆富者用磚瓦器用皆瓦。任荆筐。富者用磁竹。宴客止鷄豚。餽送惟果蔬。婚喪之家。同里皆効。奔走肩輿。抬重亦不雇。覓謂之帮忙。貧人不免傭工。然不肯鬻人爲奴。亦可見風俗之厚廉。恥之尙焉。

歲 牛頭鼠尾嘆如何轉過兔年笑呵呵羊馬年廣收田

防備鷄猴那二年定變年之豐凶一年兩頭春黃牛貴似金

四季不要甲子雨

正月 七穀八黍十收麥定一年之收成鄉下老兒且休舞立

罷春還冷四十五

二月 桑潤條麥潤苗 清明前後鬥鷄走狗 春分在

社後斗米換斗豆

三月 麥收三月雨還要當年蕩 三月不壓場麥子土

裏揚

四月 三月怕三七四月怕初一三七初一都不怕只怕

四月十二下濕了老鸛毛麥子水裏撿

五月 鋤頭有水杖頭有火 麥到芒種生也割熟也鑄
麥子上了場閩女去眇娘 收穀不收穀單看五月二十
六俗謂是日係穀
生日有雨則熟 五月大瓜果結不下五月小瓜果喫
不了

六月 頭伏蘿蔔末伏芥中伏以裏種白菜 有錢難買

五月旱六月連陰喫飽飯

七月 天河北孩不跟娘睡天河掉角滂飯豆角天河

東西收拾冬衣 處暑不露頭只中割喂牛言種晚
不收也 得

丁七月節夜寒白日熱

八月 秋風涼光棍着了忙 秋分栽蒜寒露種麥 八

月十五雲遮月防備來年雪打燈

九月 參中種麥霜中拜節 重陽不雨看十三十三不
雨一冬乾

十月 參落地不凍有子只管種 今年下琉璃明年喫

稠裹

霰結冰絲
曰琉璃

十一二月 一九二九不出手三九四九凌上走五九六
九沿河看柳七九六十三行人路上把衣寬八九七十二
貧兒爭意氣九九八十一讀平聲黃牛遍地犁

方言

父曰爹母曰娘祖曰爺祖母曰奶奶曾祖曾祖母加老字
高祖以上加老祖二字伯父母曰大伯大娘叔父母曰叔
孀子父之姊妹曰姑其婿曰姑夫祖之姊妹曰姑奶奶其

婿曰姑爺妻曰媳婦亦曰袖子子曰兒子亦曰孩子媳曰
兒媳養媳曰童養女曰閨女亦曰妮兒曰哥弟曰第幾的
姊曰姐姐妹曰妹子數

母之父母曰老爺老娘母之祖父曰老老爺老老娘母之
姑曰姑老娘其婿曰姑老爺母之兄弟曰舅其妻曰衿子
母之姊妹曰姨其婿曰姨夫

母黨

妻之父母曰外父外母亦曰爹娘妻之兄弟曰舅子妻之
姊妹曰姨其婿曰姐夫亦曰一條纏

妻黨

夫之父母曰公婆亦曰爹娘其稱于母家夫兄曰幾伯子
弟曰幾叔亦曰小叔姊妹曰幾姑幼者曰小姑餘俱從夫

稱加一俺字夫

弟稱師曰師傅師稱弟曰徒弟奴僕稱家主曰爺亦稱老
當家主母曰奶奶呼小主曰叔亦稱小當家小主母曰姆
子主之女曰姑曰姐卑幼稱尊長曰你老尊長稱卑幼曰
孩們稱人卑幼曰相公女喪夫曰牛臘人男無妻曰光身
漢男人曰爺們女人曰娘們兄與弟曰了們其妻曰妯娌
們雇工曰年作佃戶曰牛把

一讀藥二讀良假切蓋兩三字四讀爲四五讀卧六讀七

讀雀河八平聲九讀拔左合音十如今日穰窩兒昔年日每

良前日曰業前二日曰前前三日曰大前明日曰明後二

日曰後後三日曰大後午時曰上午午前日前半晌午後

曰後半晌問做甚麼曰可惡曰可聲不拘怎樣曰憑

嘎虛言曰雲彩話又曰雲我頭曰堤腦胸曰圪廊脛曰核
桃肱膀晝曰白哩夜曰黑地哩貧窮曰老飢荒可以支持
曰撐能幹曰老精糊塗曰迷盪硬使性氣曰紅磚不諳事
情曰白脖富曰好家貧曰沒嘎大富曰財主極貧曰淨窮
病曰害哩死曰老了早飯曰清早飯午飯曰晌午飯晚飯
曰喝湯哩探親曰串親友結友曰扒穀堆賣飯曰躡煤渣
牛曰偃虎曰老大雌虎曰老八批貓曰女貓鳥曰盡蟻蝻
曰除串促織曰數珠蟬曰螞蚱小者曰蝻蝻蝗曰螞蚱雜語
五方言語異於文者如以乳爲穀以鼠爲璞是也異於音
者如以來爲離以得爲登是也異於文者少異於音者多

故南之清平北多讀作上聲南之上聲北反讀作清平聲

舌唇齒之間輕清重濁不同往往有音無字而方言隨處以別矣茲掇其異而可辨者著焉

密縣志卷十二

賜同進士出身候選知縣前國子監學正武進謝增

同纂

馮同進士出身密縣知縣癸卯科河南縣同考官吳際昌景綸

循政志

漢

卓茂

後漢書本傳字子康南陽宛人也父祖皆郡守茂元帝時學於長安事博士江生習詩禮及歷算究極師法稱爲通儒性寬仁恭愛鄉黨故舊雖行能與茂不同而皆愛慕欣欣焉初辟丞相府史事孔光光稱爲長者時常出行有人認其馬茂問曰子亡馬幾何其人曰月餘日矣茂有馬

數年心知其謬默解與之挽車上顧曰若非公馬幸至丞相府歸我他日馬主別得亡者乃詣府送馬叩頭謝之茂性不好爭如此後以備衛舉爲侍郎給事黃門遷密合勞心諄諄視人如子舉善而教口無惡言吏人親愛而不忍欺之人嘗有言部亭長受其米肉遺者茂辟左右問之曰亭長爲從汝求乎茂以有事囑之而受乎將平居自以恩義遺之乎人曰徃遺之耳茂曰遺之而受何故言郝人曰竊聞賢明之君使人不畏吏吏不取人今我長吏是以遺之吏旣卒受故郝言耳茂曰汝爲人矣凡人所貴於禽獸者以有仁愛知相敬事也今隣里長老尚致饋遺此非人道所以相親况吏與民乎吏顧不當乘威力強請求耳

凡人之生羣居雜處故有經紀禮義以相交接汝濁不欲
修之寧能高飛遠走不在人間邪亭長素善吏歲時遺之
禮也人曰苟如此律何故禁之茂笑曰律設大法禮順人
情今我以禮敬汝汝必無怨惡以律治汝何所措其手足
乎一門之內小者可論大者可然也且歸念之於是人納
其訓吏懷其惠初茂到縣有所廢置吏人笑之鄰城聞者
皆嗤其不能河南郡爲置守令茂不爲嫌理事自若數年
教化大行道不拾遺平帝時天下大蝗河南二十餘縣皆
被其災獨不入密縣界督郵言之太守不信自出按行見
乃服焉是時王莽秉政置大司農大部丞勸課農桑遷茂
爲京部丞密人老少皆涕泣隨送及莽居攝以病免歸郡

常爲門下椽祭酒不肯作職吏更始立以茂爲侍中祭酒
從至長安知更始政亂以年老乞骸骨歸時光武初卽位
先訪求茂茂詣河南謁見乃下詔曰前密令卓茂束身自
修執節淳固誠能爲人所不能爲夫名冠天下當受天下
重賞故武王誅紂封比干之墓表商容之閭今以茂爲太
傅封褒德侯食邑二千戶賜几杖車馬衣一襲絮五百觔
復以茂長子戎爲大中大夫次子崇爲中郎給事黃門建
武四年薨賜棺槨塚地車駕素服親臨送葬子崇嗣封
泛鄉侯官至大司農崇卒子琴嗣琴卒子訢嗣訢卒子隆
嗣永元十五年隆卒無子國除初茂與同縣孔休陳留縣
勳安衆劉宣楚國龔勝上黨鮑宣六人同志不仕王莽並

各重當時論曰建武之初雄豪方擾虓呼者連響嬰城者
相望斯固倥偬不暇給之口卓茂斷斷小宰無它庸能時
已七十餘矣而首加聘命優辭重禮其與周燕之君者聞
立館何異哉於是蘊憤歸道之賔越關阻捐宗族以排金
門者衆矣夫厚性寬中近於仁犯而不校鄰於怨率斯道
也怨悔曷其至乎

索長官

不知何代人舊傳虎入境噬孀婦王氏子婦具訴長官遣
役執牒追之役懼不敢近投牒徑中虎銜牒跪廷下如伏
罪狀長官曰能養婦如子可免虎領謝自是日銜一獸以
報婦婦死乃出境

元

明格公

元族也至元元年爲達魯花赤勸農興學歲旱虔禱大雨
立沛蝗自北來祀之卽去民勒碑記其事

杜君美

至大庚戌令密年已七十矣容觀精力不衰謹愿勤練以
善化民三年如一士民德之

明

葉頊

明敏果斷蒞下有威強橫攝服閭左蒙麻

陳綱

剛介公廉吏民事如神明不敢犯至今思之

劉繼祖

萬曆間以開封知事來攝時民多逃匿他處爲蠲逋負給牛種以招之值旱蝗虔禱立雨歲乃有某盜邢保蔡大崧爲豪強所誣陷大辟雪其冤見斬司空於中重建生祠碑記

張祖范

奉委丈地均糧早作夜思攤派極均民皆悅服見南台寺碑

王時英

萬曆間令密勤撫字平獄訟未二年百廢具舉密人德之

儲應爵

宰密半禩百度修舉乙未夏旱一再禱於黑龍池有霖立
沛潤野霑足見黑龍池禱雨記

劉肅清

愛士民而風化葺宮墻繕雉堞折獄得情不輕加撲責善
政甚著見西十里亭去思碑

苗之廷

崇禎八年正月流寇薄城之廷率衆禦之堞墻不及肩守
者盡半身之廷奮力殺賊賊乃退是時與長葛城葉縣
諸令皆有殺賊威名見綏冠紀略

朱啟年

明史作

朱勇汪
時運流荒歉人相食有父子夫婦忍寒不忌者敏汗拊膺
流涕繪流民圖奏之懷宗特爲蠲免正賦民困以甦崇禎
十四年春闖寇陷城死之
明史忠義傳崇禎十四年正月賊陷密縣知縣朱敏汀及
里居太僕卿魏持衡舉人馬體健死之敏汀妾張一女一
孫及藏獲數人俱死贈僉事

袁繼善

繼善爲尉仁厚精明盜賊屏息邑北八里之雷山忽有狼
爲害居民奔告繼善詣山口廟禱而捕之卽日獲狼共詫
爲神見邑尉袁公驅狼記

岳士瞻

教諭密縣崇禎十四年城破與知縣朱敏汧同殉難

國朝

崔養重

順治二年冒險蒞任修葺城門建設堞口扞蔽內外勸民入城覆草爲廬以民寥寥數十家招徠流亡一百七十戶

任文煜

順治二年通判開封府時流寇張成擾密文煜撫降之驅除餘寇境內以安遂署密事後改湖廣常德通判遷九江同知十六年寄籍于密長于覺知以武舉授守備銜隨征吳逆有功候補都司

李芝蘭

字毓秀順治五年令密當闖寇蹂躪之後民盡流亡田賦不充大吏以勸墾多寡爲有司殿最前任虛報田四百餘頃芝蘭念民大困勸課三年以足前報之數雖奉檄嚴催受罰不辭終不續報又錢糧櫃頭濶布浮費官馬餵養民運漕米最爲重累芝蘭一一革之明季秕政至此殆盡除矣平西王家屬西遷烏金玉北還檄催協濟寇如星火民皆蹙額芝蘭詣鄭州脩洪應一切不以擾民兵燹初定官署祠廟蕩爲瓦礫集鎮邱墟商旅不行芝蘭多方勞徠入城者至五百餘家大隗牛兒兩鎮設法勸民造房招商貿易復通鄉城漸有起色而白骨青燐哀聲夜號民間驚擾遂置地鑿二十塚俾每保各占其一捐俸募工掩骼埋胔

建醮超懺冤號頓息人民安堵邑志燬於兵火暇則同邑舉人韓繼文徵文考獻廣爲搜羅筆削維嚴旱乾霖滂齋沐步禱如嚮斯應羣狼入城噬人具牒城隍廟患頓息皆政之卓然可傳者

李居易

字嵩友端方樂易愛民如子時時詢民疾苦稍有不便卽除之自奉儉約非客至不肉食常資超化民地數畝種蔬自給有林宗剪韭之風暇則策蹇出遊遇農言耕遇士講學刻家禮以教密人後以從孫徵君遊引疾去

張充先

字還初禹州判康熙七年攝縣事入境

民者盡革之迨罷任囊無一錢布被蕭條僕馬二人而已
張博

字厚子慈祥樂易士民如坐春風時以漕米貼解繁費爲
苦條上不允公堅執不可回上憲爲罷之有強項名後以
終養致仕密人攀轅卧轍雲集車下踰月始得行云

衷鯤化

勤於民事修廢舉墜具有成功

袁良怡

續纂邑乘修舉廢墜有功斯士

許履坦

廉明仁恕密邑辦糧定例加一四徵解履坦慨然曰凡作

官者寬一分則民受一分之賜遂出示加一二徵民食其德者數年有構訟者輒反覆勸諭或經月不答一人不得已用刑輒歛噓久之謝事後囊無餘資虧穀二百餘石密人聞之肩挑背負爭相代償不數日而足有西山民駢穀數斗至履坦以穀足辭其人愧無以伸意傾之館門而去去之日老幼男婦載酒泣送終日未能出郭東行四十里有藍縷老婦携稚子以酒果跪進曰好老爺乞飲貧婦一杯酒履坦凄然受之土民至今感頌云

姚士圭

字蒔鹿超化一帶有猛虎出沒鄉民驚恐願妨耕作士圭爲文虔告城隍及土地且出示懸賞募鄉勇捕獲虎

鄉人來報曰虎已去矣夏大旱禱於風雨壇翌日雷電交
作得微雨三次復禱於南山白龍王廟以鐵牌書雲輪咒
列銜鈴印繫虎頭骨縋湫底越三日兩得澍雨四境霑足
士圭並賦詩紀其事士民感其德於卓君廟東建祠以祀
高其哲

巖明果決入境卽私訪一切利弊與奸吏惡棍無不洞悉
到任釐剔一清奸宄斂跡邑中大治

江
湄

乾隆十四年署任辦 大差民不滋擾密人德之

秦
勳

潔已愛民嘗以密東數保運城繪遠冷於曲築設廠收漕

令民執斛自量留心文教續修邑乘去任後掌教書院數載多所成就

陳天階

政尙仁恕優禮學者人多思之

柴孝嗣

慈祥樂易愛民如子政之所施利無不興害無不除乾隆四十七年睢工决口功甚鉅密派料物二十餘萬孝嗣念土瘠民貧無以給辦力求蠲免再三乃允及卒士民奔赴哀弔後數年其子過密猶贖金數百以贈感前德也

楊泰起

令密十餘載廉靜不擾年除支號驛頭一事民尤被其惠

續訪

侯一位

字制卿隆慶庚午莅密令行禁止吏畏民懷西北山有虎鄉人雷自強斃焉一位禱於神甫二日勇士趙龍等卽擒以獻生員劉賢有擒虎安民記

邱景雲

改建書院振興學校密之文風自此漸變至今士子猶感其作養云

密縣志卷十三

賜同進士出身候選知縣前國子監學正武進謝增

同纂

賜同進士出身感縣知縣免丙子科河南鄉試同考官吳祿蔭長景綸

人物志

忠烈

漢

常干

古碑云密人世傳漢光武遭王莽之難常氏兄弟十人匿
之莽圍急兄弟謀代死其最少爲常干者曰我貌頗類新
吾者獻之可免也如言圍解光武卽位爲立報恩寺並營
其墓後九人皆列葬其處

密縣志卷十三 人物志

明

鄧光斗

流寇破城挺身殺賊勢危自刎妻鄭亦縊以殉

魏登科

通江典史追賊二百里外歿于陣撫按題請立祠

魏持衡

光祿寺卿兼鴻臚寺事明史忠義傳作太僕卿崇禎十四
年里居城破殉難

馬體健

字天行舉人闖寇圍密食盡體健捐貲餽士卒及城破被
執與予讎俱不屈死見明史忠義傳

王家徵

性英毅值流寇渡河年裁十七輒收攬隣族築砦堅守善以寡敵衆出奇制勝保障一方寇不能犯崇禎壬午冬以保境功授守備銜甲申正月聞寇犯京師忠憤激烈約舉義旗勤王怒氣冲肝嘔血而亡時年僅二十七

陳一珙

闖賊陷密死難

馮昌期

舉人城破墮南城下死於馮氏祖塋

傅興朝

逆闖攻密率鄉勇守南城城陷死於壕

孝友

元

胡伴侶

父患心疾數月幾死伴侶焚香籲天以所佩小刀割左脅
膚脂一片煎藥以進遂瘳詔表其門

明

程 鰲

幼喪父事母最孝母疾割股肉和藥以進母卒負土成塚
廬其側三年哀聲不絕塚上產靈芝三莖嘉禾一禾三穗
詔表其門

馮時通

家貧木工爲業竭力救水有孝名母疾割股進之愈上官旌其門

陳經

事久不可考大隗鎮有坊額曰孝行

閻中傑

父病割股和藥進遂愈兩院旌其門

程雲路

父病醫不能療雲路焚香願以身代割左股和藥餌進縣

旌之

李明孝

母魏氏病革祝天割股和藥以進病遂愈兩臺旌其門

李成教

母病久不愈成教夜夢神曰股肉可愈旣寤遂剗以進母病立痊兩臺旌之

楊晉

邑增生父故事母孝舌耕於外有讒其妻不孝者遷出之後事白乃復合

韓繼周 繼閔

明季城破防護父旁父揮之使遠去二子號泣不忍離賊至父驚卒二子皆遇害

魏俱

蟠之 母歿卧柩側歷七年柩畔生芝父歿負土爲墓

居三年有烏鵲集其巔赤蛇蟠其下其孝感如此

楊孝

字希舜生八月而孤母朱割耳矢志孝少奉母教或語及母苦節事輒涕泣不能言母卒哀毀幾滅性及葬負土築塚廬墓三年後爲鄒縣丞以清慎著次子維清父故亦廬墓子孫五世七歲貢

陳邦寵

親歿廬墓側每日抱土封塚哭拜足跡不至家者三年祥雲結聚墓上雉兔馴擾直指使者稱爲純孝萬曆中旌表

國朝

劉清

父病割股兩臺旌之

端木世奇

性至孝二親繼逝負土成塚日夜號呼廬居三年縣旌之

蔡光遠

邑諸生字子厚國翰長子事父母孝及失恃痛不欲生思
且尤致哀慕然恐傷父心每背地飲

慕
韶

字心虞廩膳生性至孝少孤事母朱氏出告反面飲食必
親爲檢點母病供湯藥晝夜不離側儼古人嘗糞甜苦以
卜瘥劇又每逢元日必爲文告神祈從已齡延母壽後母

果享年九十有九

周 郁

字伯雨增廣生父得癱症支離床褥郁侍湯藥晝夜不解
衣父稍愈每出入左右扶持歷十二載無懈容後事孀母
頃刻不離母念家貧命舌耕他鄉每當飲食輒泣下遂辭
歸母子聚首菽水承歡朝夕之間融融如也

郭文怡

年十三母病奉侍湯藥晝夜不懈母歿撫三歲弱弟哭泣
柩前飲食不進里人爲之感傷事父承顏願志惟恐或違
父逝哀毀骨立子元陞舉人

楊名揚

貧客聞不能隨名揚年十五乃學算卜以資路費歷關津

數千里往省之三年中往返者再後聞父病歿徧籲諸親族得斧資晝夜奔馳負骸骨奉母携妹以歸子爲熬拔貢生。

陳健

性孝友少孤家貧竭力躬耕以供甘旨惟恐失母氏歡母病湯藥親嘗晝夜不寢呼天願以身代母病果愈

李興隆

家貧針工度日父歿於南方興隆裹糧徒步涉險數千里負骸以歸撫臺雅旌其節

周梓

性至孝母黃氏患喘急聞禹州有良醫馳往邀之值頰水

暴發人不敢渡梓至向河號泣水驟退丈餘人驚異之兄
相宰湘陰時家貧不給梓赴湘告急至任未幾夢神語曰
汝父大病將歿于某日卽馳歸父病已不能言向枕號呼
父忽睜目曰兒至吾無憾矣卒如夢言

項臨禹

二歲時父歿于亳州惟母是依稍長赴亳尋訪果于古廟
得父柩負骸歸葬知府柴給孝子銀牌獎之

張九如

本馬姓爲王村張氏養子義母孟氏所生子蕩于外九如
傭力奉養無缺

張漢傑

字同三事親至孝樂善好施

李曰曉

字東陽邑庠生性孝友慷慨好施弱齡遭親喪葬之口縱身投墓中幾以身殉宋氏姊貧分田三十餘畝以養之復教其子使成齒又有族人與同里任姓少孤貧皆授之田

王楷

字端木少貧性孝友撫兩姪及女姪如己出及卒姪亦哀痛持服如所生人稱孝義萃於一門

陳光遇

字季侯廩膳生篤孝友家貧親老傭讀以養五十歲依依親則若孺子焉親歿上有三兄敬之若嚴父謹言慎行

步必端學者仰之

韓 杲 昌

杲字若木昌字世五俱繼文子杲童年時密城陷母錢氏罵賊殉難事平求母屍不得齧指濡血始得認母骨哀號泣血死而復甦者再以恩貢秉鐸南陽上蔡皆能勤其職昌少孤事孀母孝每逢親忌必齋戒涕泣哀慕終身行楷書

寇國順

字承天太學生生三月而孤痛母憐其苦節直以不獲顯揚爲憾後母旌表乃流涕曰吾母行傳吾心稍安矣每屆春秋祭日距城五十餘里必先期齋戒具衣冠赴廟三平

餘年不懈乾隆間節孝祠祀首倡謀新

王作梅

字百和國學生性孝友析產不計肥瘠喜助人婚葬有爭競者經剖決卽帖然服

張廉貞

字介石增廣生性孝友家庭誥然秩然又能排難解紛輕財好施

劉德行

字子懿邑庠生劉先十三世孫也家世忠厚醇謹好禮數世同居庭無間言有張公藝之風

陳登

性孝友足跡不入城市平生無怨色威容與人無爭競亦
不道人是非壽九十二

朱正

里黨間有休聲奉憲賞給善人銀牌

周永寧

邑庠生字敬五事父母恪盡子職處世接物義氣慷慨有
古人風

周鴻道

廩膳生有至性成童失怙有季父二年相若事之如父事
兄亦然兄沒遺孤二撫如己子處世謹厚未嘗有競心子
訪禮舉人

樊惠渠

邑庠生其處家也孝友慈祥其處世也忠厚和平安貧樂道嘗書銘於座右曰人世豈無義外利我生自有命在天可以想見其爲人矣

周積功

字緒遠增廣生性孝友著家訓三十條皆以身作則率子弟躬耕卽於隴畝說詩書中年喪耦或勸繼娶曰不逾四十娶處女誤人一生吾不忍娶孀婦使人失節吾不爲也又著五自得序培子弟說

冉溶

字文性孝友持家勤儉有法遇鄉隣貧乏者周之不遺

餘力

韓仁

母病奉侍湯藥晝夜無倦色病篤乃夜奔三官廟焚香祝
禱別於家湯進之母遂愈

傅松

孝謹性成事親色養少喪母葬後朝夕設饌于墓哭泣盡
哀者期年恐傷父心不令知也

徐大相

八歲喪母及長念父鰥居同弟大業屢勸續娶父不許相
善事父得歡心人稱孝焉

韓廷選

父病割股和羹以進遂愈

王廷英

孝事孀母母久病不思飲食英恐不起禱于神封右膊肉
爲餽餽母食兩枚而愈舉家不知也夏月脫衣力作見其
痕固問乃知之

張作極

邑庠生事親怡色婉容家廷之間融融如也父病瘳凡浴
瘳敷藥必躬必親衣不解帶九十餘日無倦色事二兄恭
敬純篤終身如一日孫基永貢生母嘗患鶴膝風輾轉牀
褥七年基永屏絕人事奉侍湯藥衣垢不潔入罕見其面
日夜研究醫術自製方藥母疾竟愈其持其

多勉以敦行力學曾孫惠洽舉人有文行元孫紉芳以舉人教諭洛陽

司萬忠

母寇氏年八旬卧病三載忠晝夜侍側湯藥必親嘗而後進一日母思魚時天旱水減購之不得乃跪水濱祝之聲淚俱下忽羣魚跳躍一舉九尾人以爲純孝之感

郭元長

字乾一邑庠生性孝友繼母患癱疾元長晝夜不離左右衾枕不就者二載繼母故不食酒肉不入內室女兒貧元長養至老卒葬從厚精岐黃人稱國手

樊士楷

八歲隨父克惠避荒至陝父病乏食以養之父故典身
買地以厝寓陝十餘年卒負父骸骨回時嘉慶五年值教
匪亂潼關路梗迂道獨行徒步冒險歷一千四百餘里

趙 瑗

習陰陽術父病篤嘗父冀喜曰無虞也味苦果愈

秦 楹

字樹邑庠生事母至孝母病癱衣不解帶者四年母沒

亦哀毀而卒

尙 超

字越衆武庠生事嗣母孝妻孫氏亦善承夫志割股療姑

超兄弟五人六世同居如善樂施解紛排難孫溝百餘家

不與訟皆超之力也

王振

性至孝母疾割股以進母卒悲哭過痛久而成瘋自縊死

周同文

字衡章廩膳生少失怙家貧得甘旨必進母居母喪不入內室不食酒肉每祀先必流涕鄉里稱其孝因母病嘗岐黃無貧富輒往不受謝著傷寒辨症詳說

雷天祐

母病思食肉家貧不能得割股以進三日母病瘥

劉檀

字稷堂邑庠生性孝義偶適太康聞父母病號泣歸家

奔赴及父卒痛不欲生每教讀至父母在不遠遊章即放
聲長號田產盡讓諸弟鄉里有兄弟相爭者人輒諷之曰
盡效劉馥堂

周 翹

字鵬萬母寇氏甚畏暴雨及沒葬南郊三里許每遇暴雨
翹必奔墓跪哭候雨止乃歸凡有大事出入必至墓前稟
揖訓孫寬讀書每講孝經一篇輒淚下不止

裴天眷

字承恩母病疫家人恐傳染不敢久侍天眷獨奉湯藥不
暫離左右母病遂愈其一紹夔字之者父不...
水沃棺且沃且號迨眾衝火昇棺出而棺已熱刺不...
...

王

字心裁性和厚父疾晝夜侍床壽不脫衣履以者十年母老婚憤事亦如之處兄嫂無間言怡怡如也

原景揚

割左股療母病遂愈

韓之弼

增廣生字富公繼文孫性孝友善居積道口數頃富析箸曰同居無私財遂公分之兄弟皆固讓終不肯受兄老病且貧適養老對案而食歷十年如一日

王作梓

原膳生字公弼性孝友析箸後復分給幼弟產常賜郵兩

兄無德色解紛息爭里中賴之

張玉成

字佩璋邑庠生性端慤析居後復以所分產四十餘畝資

弟使專心講讀兄弟友愛身如一日

郭應元

字台三邑庠生家居孝友兄病應元年六十餘矣躬親藥餌無倦容修理學宮董其事捐資重建浮山雙橋行人便之

王信志

析居後兒產中落衣食無資信志迎養之喪終必其兒未

至不敢先食所居世梁東西兩河冬日涉水信志捐

資修橋歷五十年不倦行者便之子懷能繼其志

楊洗

家貧分爨後能勤力家漸豐兄益困且老病無子洗盡心調治經紀其喪以子道盛嗣迎嫂同居供養無缺至今洗子輩不忍分居率其教也

陳國夏

少貧苦與人傭工積財置田頃餘念胞兄國春無產以其半給之又假立賣約以杜子弟之爭有丐者賣其子涕泣不忍別國夏憫之代爲贖回

陳筌

天性孝友其胞弟箸出繼念其田少以已產半與之事載

彭善錄中

張君林

兄弟五人各異居惟君林與少弟孝同爨後叔兄貧乏喪
偶復與同居為繼娶兄故撫養婚嫁其子女新培地畝皆
均之

鄭增

幼失怙與弟塋力因度日年近古稀式好無尤室人子姪
皆化為敦睦焉

王世昌

性孝友家貧析居後仍殯葬兄嫂教養兩姪有從姪幼失
怙恃撫養成立為娶妻生子

李有智

兄弟析居所分薄田不及十畝努力耕種添置田七畝後
兄弟不能餬口將所買田分給之嘉慶十八年大饑仍與
兄合爨兄妻子女媳俱賴以全活

皇甫琚

山西孟縣人家貧孤姪與子俱五歲值大饑琚繼負就食
他方途中力不支將子度爲僧負姪去流離至密寓焉姪
稍長亦勤儉不數年囊有資爲姪聘婦生子病革顧姪嘆
曰吾今乃可見爾祖父於地事矣瞑目而逝

鄭士賢 士俊

兄弟皆木質性淳朴奉父母命析居有地也頃兄讓弟多分

一頃弟不肯兄弟相讓遂餘田一頃以脩公用

王伯泰

性孝友誠朴兄弟析居取其薄後兄業中落誣以分產不公泰將所分地十畝餘悉與之無怨色

杜寧

性友愛與弟分居數年及弟夫婦既沒家業盡落寧撫孤姪成立爲授室并以田產器物與子均分

傅林春 林青

兄弟孝友林春曰兄弟以非禮來者吾積誠以待之一次不悛至三五次未有不感動者林青曰兄弟分形連氣未
有不同心者妯娌異姓相聚未有同心者以不同心之言

入同心者之耳骨肉漸乖離矣爲兄弟者不爲婦言所囿
未有不親愛者林春早卒林青事父母能色養教子姪有
法終身不與姪析居子咸如丁卯中式

宋殿選

國學生事繼母以孝聞友愛異母弟明倫甚至

張文謹

兄產瀉文謹自儉嗇以養之兄過不悛文謹供給不怠至
破其家不恤

韓世祿

性孝友有田六十畝以伏牛歸其弟曰弟五子我一子如
此分吾猶嫌過也悉取有負自任之而盡賣所分地以償

張璐

邑庠生秉性孝友義行可風父患癱症數年璐侍床褥晝夜不懈其周急恤孤事尤多

張作樞

邑庠生事親色養親歿友愛兩弟析箸後延師訓孤姪歲歉出粟數十石貸鄉鄰不責償

王國治

字平字方正好義有隨母改適之從姪大有二有甚失所國治聞之招與同居娶妻復以產均分各得其一頃餘

馬基業

字肇域歲貢生父有養子愛如同胞田產悉與共之又康

慨好施比隣資養者甚多著有杞陽詩集

危小齋

以忍讓傳家與同祖兄弟析居讓地兩頃恐子孫後有異言呈縣印約爲據

高瑛

性孝繼母前夫陳氏子失所瑛體母心招與同居立約與地五十畝及同胞姊適文氏家貧瑛亦招與同居立約與地二十畝子法堯與陳文二姓同居四十五年產愈厚遂繼父志另給陳地三頃餘給文地三十畝

牛青成

有姊適喬姓家貧甚育成體母意與地四十餘畝

馬應詔

兄弟析居後兩弟業中落應詔以田一頃二千八畝合均分之

張瑞興

躬稼穡意氣過人撫從姪芳聲成立爲娶妻有田六十畝與二子三分均分

馬中選

十二失恃有適母所生姊適韋氏寡而貧中選十七歲遵父遺命給地六十餘畝

義行

明

王順牛全

正統五年輸粟各千石詔表其門

韓忠恕

成化十八年輸代粟銀各四十兩予冠帶不受

郭達

字伯羽舉人歷官真定同知性孝反治家有法居官以清慎著幼聘姚氏未娶而瞽達入伴女家議退親達謂其父母曰既字我卽我妻也以失明棄之不義遂完娶後瞽女生六子兩沐褒封焉

魏尙謙 尙泰

尙謙前後輸粟一千四百石建廣濟石橋施義塚崇禎

中旌尙泰輸粟二百石當事旌之

張守安

明末屢遭旱蝗富豪吞噬貧弱守安獨減價平糶以大升
斗出之復折券棄債子問明號文武兼資

郭躍蛟

禮部儒士崇禎末土寇蜂起累年荒旱知縣宋敏汗繪流
民圖欲上奏遍求民間無敢任者躍蛟挺身願行卒達宸
聞密糧盡免闔邑共食其德至老苦貧日食不給有鄭州
親思忠遺銀數十兩於路躍蛟拾得追尋還之

趙國泰

喜助樂施恩洽族黨屢蒙各院旌賞

周維魯

諸生性亢爽鄉里有紛爭者輒出平之嘗拾任姓遺金袖還之

許文明

考職以主簿用聽選京師時弟文舉爲司獄適有邑人宋姓解官銀二百餘被劫邑人持批涕泣自分當死文明憐之與弟各罄囊資之不復索抵孫春榜見知高文襄以女姪妻之年七十時侍父食必親弟蕩費官銀爲鬻產以償父聞不平春榜怡然曰大人勿嗔田園易置兄弟難得也其行誼爲縉紳所推重

錢標梅

標字健吾幼治詩書隱刑椽間凡治獄輕重出入必佐以慈
祥明季流寇充斥施阜地百餘畝與衆築寨據守衆以
寨主推之固遜張問明總其衆而已左右調劑之遠近歸
者數千家皆免於難延接名流輪蹄充牣有孟嘗之譽弟
梅輕財好義晚年無子散萬金之產以資貧乏至今無有
道其名氏者但稱錢少府云

錢安民

好施與掩骨瘞齒於洧水南岸施水陸地十畝建龍神祠
於中四面開鑿龍池土人資以溉注又於洧之西嶺施義
塚八畝北嶺施義塚十二畝嘗夜過其地有羣鬼相語曰
主人醉盍往送之遂以燈籠導至家如是者再

鄭思賢

字又齊家巨富調急恤難修橋補路不可枚舉明季闖寇之亂魏持衡嘗遺書勸以入城避難辭曰吾入城不難但恐吾去而一方無道類矣乃不惜萬金築寨於岳村西南溝保護千有餘家今之魏寨卽其地也

國朝

李遼齡

字堯眉舉人陝西吳堡知縣敦內行篤友誼尤工時藝在京遇同年某病竭力調治以瘳復有謁選病故者傾囊資助遣人送其柩歸子元龜舉人湖南清泉府令孫雲葵西舉人

蔡希元

性淳良無邊幅崖岸足跡不履城市與衆人處語言煦煦若恐拂其意每有借貸輒周之貧無以葬者爲置棺木一陶人受價二十千實無片瓦人曰何不索其逋曰窮工耳安忍其蕩產而畢吾債也

李維剛

字敦倫國學生品行端方精岐黃術多活人未嘗索謝病者路遠就醫必具食乃聽去子曰巖孫永昶俱登賢書

馮源

字百泉性孝尤樂善好施

閻澤長

字孔泗周民曾孫舉人里有盜其家者獲之其人懼罪

出十金爲償。澤長曰：以盜棗而利其十金，是吾爲大盜矣。慰遣之。有婦夜投叱之不去，詢知爲某妾，招其夫歸之。且諭以夫婦和好之道，其行事多類此。

翟住

字汝存，端方正直，慷慨樂施。

錢喜夏

好談陰德，自爲功過格，日記所行，鄉人化之。生十子，耕讀。量其才智，能成立者九十，上憲表其門。

王士良

家貧，瓶無餘儲，出拾遺金四錠於道，歸告其父，逾月無貧者。後聞縣中比解役，遂出首役，得免罪。縣令義而旌之。

周曰昌

字發祥候選同知明季土寇猖獗昌築寨洺南保障一方盜莫能侵全活者甚衆時蘇姓數十戶亦避兵寨中盡售其產於昌以給川平定後乃召蘇氏火其券曰吾前不受券恐爾等不安食吾粟耳豈有乘危難利爾田產者哉悉歸其田不取值

慕來泰

字大來增廣生歸行端方精岐黃術家甚貧而不索謝病者路遠就醫必具食乃施去

張作楫

明孫字方舟邑庠生端方簡重居常不出門喜讀朱子

綱目每對客談論至古今得失成敗輒拊膺慷慨族人或
鬻其子于西客作楫解囊贖之養于家及長能食力乃令
還

劉名卿

邑庠生劉先十四世孫有族弟貧甚其母死名卿爲置棺
予地給葬費佃戶欠租稞察其貧不能償者毀其券其他
義舉甚多

紀德

邑庠生叔父星辰貧無嗣德養于家星辰有田六畝德覓
人代耕積數年所收爲贖地營室立嗣完婚

陳新易

邑庠生存心任恤族姪松孤苦無倚新易爲之娶妻生一女後就食宜陽久染沉疾妻女爲人奴僕新易破產辦貲復爲完聚又置義塚於岐固寺左

郭永盛

鞏明孫鄉人欠西客銀數十兩催逼不堪永盛遇於省城慨然代償之

任中麟

字伯祥家傳醫痘如神有求卽應梟不受謝貧者更捐藥予之

楚選

父有螟蛉子視若同胞自首同居雍正九年歲歉出穀交

以周鄰里次年有償還者不受又嘗捐貲首倡修理橋梁
道路

馮裕昆

幼讀書長工醫好施藥餌平道路和睦鄉里教子義方

李學易

父亡與伯父同居伯父有子六人析產時學易例得其半
念從兄弟之貧乃作七分均分平生好施與鄰里待舉火
者頗衆有借貸未償者晚年悉焚其券

陳榮

乾隆四年數郡被水密多流丐榮視其無衣者衣之死而
暴露者捐棺埋之鄉里之間濟急事尤多

陳日增

字萬福樂善好施凡貧不能葬無力完婚者輒俟助之

盧琇

輕財好善常以修橋補路爲事縣東石板溝東西要道也
危石巉巖行人苦之琇首先倡捐修治平坦縣旌之

冉良臣

國學生性好義嘗施地於鄰減穀價出糶大其升斗有鄭
州同宗冉永曾未相識也在煤廠染病幾死良臣聞遣人
扶歸調養至大愈送歸新鄭民楊輅夫婦逃荒至密願投
身爲僕良臣不從周恤之其子鬻於鞏復爲贖回養其全
家至來歲麥秋遣歸夫婦感泣欲絕

張學煜

字光辰邑庠生事親孝年已耆艾依依膝下有戲彩之風其賑貧恤孤諸義舉尤多撫院雅旌之

王法

從兄典家貧欠陳氏債不能償陳氏控官法鬻已產以抵又從姪庠生積誠貧甚量撥與地以資膏火

馮廷弼

家世忠厚力田好施貧不能婚娶者常仗助之撫憲給善人銀牌獎之

來百工

胞弟百和蕩其產且喪妻百工召與同居代爲續娶所有

莊產與之均分

張如修

國學生字永叔樂善好施和氣迎人又精眼科求醫者如市

竇宗程

忠厚積德每歲必蓄藥材濟人又嘗施茶於道以便行旅

張時行

吏員善承父志捐施棺木里人頌之

李堯

多善行乾隆七年修卓坡及小頂路又於龍門山施茶數

孫建業

少好醫學常以濟世活人爲心鄉黨有病恆施藥療治不
索謝縣旌其門

王進彥

素行好義於城西草廟倡建茶亭置施茶地行人便之

樊洧

邑庠生性寬厚好善有受業者不問修脯精于醫活人衆
概不索謝值歲大饑瘟疫盛行洧年八十餘爲人療病朝
夕不遑適道左拾遺錢五千立俟其人還之

樊卜鰲

字瑞生邑庠生仁厚喜施嘗折券棄債隣人被訟牽連執

田契求售卜鰲曰乘人危難而利其產不忍也反其契贖
錢數十緡子德元廩生品端學優乾隆二十二年東數郡
被水饑民逃至本境德元煮粥給食全活甚衆

孫顯宗

七世同居家口百餘男耕女饁無私財雖兒童飲食亦必
同器有不至衆皆俟之

周維翰

增廣生有貧人至其門寒衣之饑食之告糴不問價足否
立與之子鄧亦好施卒葬時弔者多不相識拜泣泣不
言其名而去

邑庠生朱正之孫善岐黃活人甚衆不受謝有姊適寇氏家貧目瞽三元招其全家同居十餘年

陳秀儒

字君儒喜施濟尤惇族誼有族人四幼皆赤貧悉與以居處爲之成室嘗云鄰里貧乏尙宜周恤况同宗乎

梁倬

少貧不受人周恤言無虛諾後家稍裕乃慷慨好施乾隆二十二年祀饑就密食者無數輒出粟施飯全活甚衆

王彥方

國學生族叔聘年八十餘值歲大飢供養無缺更爲其二子成室又族兄守仁老而貧與莊基一處草房數間常周

郵之

王雲露

好善樂施人有釁端必委曲和解製施丸散四十餘年

王典常

邑庠生人品端方家僅中資凡四鄉有志來學者不受束
脯弟子有貧乏者輒給書籍筆墨成就甚多

周維則

字永思邑庠生心失恃乳於嫂長事之如母念嫂恩未報以
已應得田二頃五十畝半與姪慮後爭端將分單呈縣用
印邑侯竒之曰報恩仁也讓產義也可以風矣孫文重

舉人

周文彩

字昭齋忠厚和平遇貧糶賜之無德心歲饑行石里中餓者同食一日召甘不至乃其父卒不能具棺將藁葬於野文彩聞之亟往曰汝父卒胡竟告無棺余不忍也爲買以葬

周彩如

字宣五國學生忠厚喜施乾隆五十一年饑日以粟數石飯餓者里多積欠悉焚其券

司彪

字文蔚篤義行乾隆年間歲大饑罄家糧不給復出百金糴穀以濟子二獲祿獲壽獲祿字在中能承父志爲王氏

姊置田五十畝以慰親心有馬姓茹姓負欠數十金百餘金者悉焚其券

馮汝

字在齊忠信鯁直喜助樂施

于克念

字作聖喜施收養貧兄弟數人并孤貧族人爲之成室

劉柔遠

字定齊國學生劉先十六世孫少孤慷慨好施有羅姓佃合家者七人皆給以棺并予地葬之

魏作舟

生慈愛乾隆二十一年歲饑積穀十餘石盡散給貧民有

儻者不受

馮大勇

邑庠生慷慨尙義有膽畧

李元愷

幼寄居尉氏縣路拾包袱內藏數十金後有程姓找尋原數與之

鄭鳳鳴

性孝友廉潔好善居壺瓶嘴富溱源之下流爲滎汜之孔道每水退泥溇嘗積土木架橋以便行人又蓄風藥活嬰兒至老不怠

黃天經

字孝常孝友好施篤於宗族嘗曰吾家近世來不能如前代之高爵顯宦惟是尊祖敬宗展親睦族使大本無虧斯亦持身保世之道也其建立家廟修纂宗譜多出己貲

張世榮

立品清高精岐黃蓄方藥求無不應濟世活人不索謝亦無德色

鄭道齡

乾隆丙午大饑瘟病餓死者十五六鐘齡出家財賑濟全活者百有餘家後挾竄至邳縣逢邑人逃荒於路扶老携幼慘目傷心卽慨然散其金提空囊歸

字振聲國學生歲大饑散糧賑饑全活甚衆凡借貸有貧不能償者毀其券

王克良

字繼聖天性惇朴重義好施村西有賈嶧鎮路徑崎嶇克良修石路二十餘磴至今人便之

陳耕

字壽齋國學生孝友廉義鄉里推重

宋元

十歲時值歲凶爲舅牧羊其舅與定宋姓女爲室元知其同姓不從舅強之卹意志狗奪事我不爲也事乃寢十齡童子能守義如此可以愧世之婚不避宗者

宋 琮

字子璧慷慨好義施地甚多觀音堂爲東西孔道舊無集市居民遠過客數被劫竊琮商之鄉衆移宋家寨集於此又於集東穿井一深二十丈人便之又修懷慶薄壁鎮山路並石橋一座商民立石誌之晚年焚萬金賬薄有償者以不欠辭

孟 賓

字客卿正直無私好義樂善嘗以荒歲買僕婢後皆贈金遣之

李 植

天生醇篤素以孝聞嘗建茶亭捐地十畝盛夏施茶以便

行人

岳禎

收養族姪德江分與產業子德海承父志輕財好義有族
兄德成自外歸留之爲娶妻共鬻二十餘年無異同生後
分與地七十畝莊一處

郭行天

性慈祥仗義疎財歲凶於本村施濟窮乏又於炎夏施茶
數年不怠

楊道盛

字德茂疎財好義隣有高景楊妻閻氏少寡無依慨然割
宅收養之又續葬其夫擇其近族老成者爲之嗣歲給薪

米後閻氏以節終實道盛成之也

張永泰

國學生性好義凡戚黨有急皆周之嘉慶十八年歲饑有婦人鬻女者母女皆泣哭永泰惻然以錢物資之泣謝去次年麥收後母女登門償不受

周 鄆

字沂川國學生孝友好施精岐黃延請輒至不受謝

王國璠

字煥若貢生文得先正法設教密邑義學十八年凡生童貧乏皆給以紙筆或名者甚衆

錢青錢

字淑章國學生慈祥好善施田開渠引月陂諸處泉水灌田五百餘畝村中賴以豐裕

張檜吉

字聖植國學生事親能養志兄弟怡怡聞於鄉里其僕女人有欲買爲妾者許百金檜吉笑却之曰此亦人子也吾豈因以爲利哉爲嫁良家不受聘儀

陳本良

字秉彛性醇厚事繼母孝嘗於路中拾布疋經月餘有李姓來認悉與之

張景暘

字义若附監生慷慨好施嘗設塾於家十餘載鄉里學者

不受脯金待以舉火者十餘家

崔登庠

好善樂施撫養戚陳姓於家數十年去之日爲置田數十畝莊房一所

陳大謨

字顯功國學生事繼母孝善療醫不憚勞不受值藥資不給每以室人紡績易之

張瑤

邑庠生輕財重義有榮陽李姓驅驢二頭至大隄鎮糶麥蕩其資不敢回夜欲自縊瑤知急救之具以多乃還

呂肆

字彥六好善樂施建惠行橋親董其事

黃天池

字應南以孝友聞好周卹里黨賴以舉火者常數十家

金標

精痘疹嘗捨藥濟人有以其貧不能給難之者標曰凡人善行力可及一日則行一日安得以貧自謝也

馮盡臣

字念葦國學生性孝友嘉慶癸酉密大饑捐銀百兩錢七十千穀百石以助賑

王漢

性好善施藥濟人數年凡三傾其產

陳清化

字召棠增廣生幼游學新鄭於路拾布一捆十餘疋錢一
王姓致恐謂與之晚年舉約正抄

諭廣訓遍送里一朝夕勸諭訟端頗息又著指迷集以爲
治家者勸

王如魚

字順天收養族中孤姪爲娶妻生子并析產分之

吳九成

字心韶一日偶他出路一囊藏錢數貫守於路旁日暮
失者不至卽携囊歸家後失主來尋與之

王廷邦

字建侯性剛直少孤事母孝折券不責償者六百餘千嘗
曰吾生平全憑天過年七十有七子孫蕃衍家屬六十餘
口同居共爨已歷五世

石大林

事母孝忠誠樂善五世七十餘口同爨無間

李天篤

少爲叔母所育後孝事叔母歷五十餘年如 日性好施
比鄰有郭姓者歲荒赤貧日給口糧期恤之

王玉臨

字聖瑞夙稱孝行僮僕一童年餘問其人無兄弟父母且
年逾五旬卽厚遣歸

張彬

國學生樂善好施邑大饑賴以舉火者十餘家撫從弟妹成立爲完娶遣嫁并分以地人稱張善人

王克明

邑庠生性孝安貧樂道不臧否人物內兄傅祥雲遊京師死焉子幼克明走予數百里迎其柩歸

錢·言

七齡失怙事孀母孝勤儉起家好善喜施嘗焚借券四十餘紙近村路無斷梁利無荒宇皆言之力也孫理字簡菴重然諾敦任恤爲鄉里所重

路坦

字平子精岐黃活人甚衆參苓所濟不索值里人感之

孟祥義

字方亭好施濟收養寡姓子爲成堡又助馬姓子完婚

改事

義

侯霸

後漢書本傳侯霸字君房河南密縣人也族父淵以宦者
有才辨任職元帝時佐石顯等領中書號曰大常侍成帝
時任霸爲太子舍人霸矜嚴有威容家累千金不事產業
篤志好學師事九江太守房元治數梁春秋爲元都講王
莽初五威司命陳崇舉霸德行遷隨宰縣界曠遠瀆帶江

湖而亡命者多爲盜賊。霸到卽案誅豪猾，分捕山賊。縣中
清淨，再遷爲執法。刺姦糾案，勢位者無所疑懼。後爲淮平
大尹，政璫有能名。及王莽之敗，霸保固自守，卒全一郡。更
始元年，遣使徵霸。百姓老弱相携號哭，遮使者車，或當道
而卧，皆曰：「願乞侯君復留期年，民至乃戒。」乳婦勿得舉子，
侯君當去，必不能全。使者慮霸就徵，臨淮必亂，不敢授璽。
書具以狀聞。會更始敗，道塞不通。建武四年，光武徵霸與
車駕會壽春。拜尙書令，時無典故，與朝廷又少舊臣，霸明習
故事，收錄遺文條奏。前世善政法，夔有益於時者皆施行
之。每春下寬大之詔，奉四時之令，皆霸所建也。明年代伏
甚爲大司，封關內侯。王立明察守正，奉公不阿。十三

霸薨帝深傷惜之親自臨弔下詔曰惟霸積善清絜視事九年家舊制丞相拜日封爲列侯朕以軍師暴露功臣未封緣忠臣之義不欲相踰未及爵命奄然而終嗚呼哀哉於是追封諡霸則鄉哀侯食邑二千六百戶自臨淮吏人共爲立祠四時祭焉昱後徙封於陸侯永平中兼太僕昱卒子建嗣建卒子昌嗣

張德

水經注張德字伯雅爲宏農太守漢有廟碑塚尙存

明

岳岫

字宗源少嗜學通經容幹魁梧明洪武二十一年舉人材

累官北平右布政使

黃通理

字文中洪武辛酉年十三入邑庠旋食餼試補上舍擢刑部主事永樂中改秦州州判三年上計留辦事刑科擢戶部員外郎奉使交趾占城閱五載晉本部郎中宣德中給誥命賜寶鈔二千貫擢知江西饒州府

黃麟

進士授禮科給事中彈劾不避權勢竟以抗... 黃麟
永平郡丞大著政聲擢陝西參議分守漢中兼飭嘉洛兵民胥戴後改姓楚卒祀兩地各宦

黃縉

進士令金壇戢奸均賦復豪右吞地數千頃值歲歉多方
撫字馬從謙撰荒政序謂其出公羨以補正賦願免職以
代徵逋又述其上書直指有民無所從出而上必求如常
格不過逼之使逃促之就死終無益於國賦而本實先撥
寧甘心俛首待罪云云其誠心爲民如此擢南戶部主事
直道不阿致仕歸里請於守令毀淫祠建書院教子睦族
里人有爭者善言論之

楊聰

字德明涿鹿衛經歷治績丕著擢神木縣尹地僻民囂俗
尙武健以文教化之民俗漸變孫言性恬退嚴氣正性不
妄言笑亦不與人爭競司訓平虜衛見諸生必整冠帶雖

盛暑不廢

錢浩

博學無方有經濟才舉試江南儀徵主簿政績大著儀人德之

魏蟠

揚州經歷贊政忠勤苟直不入攝高郵州事廉慎益飭政多寬惠鞭扑不施士民愛之爲歌曰父母育我兮魏使君精神挺兮天上聞

楊永禎

孟震子任肥鄉宛平主簿所在有治聲性孝里人直之稱

孝友傳家

國朝

周 栢

字元輔家貧苦志讀書以進士令湖南湘陰力請蠲免被
水懸糧地銀二百有奇民困以甦調龍山乃苗疆新闢爲
編保甲課農桑興文教禁溺女又捐置育嬰堂再調瀘溪
平反多案民歌頌之

李士瑤

字瑞徵以舉人令瓊州感恩縣爲海外荒殘邑糧戶不滿
四百家舊欠積三千金民旣難償官多被斥乃力懇上官
停一切雜項多方勸諭不二年夙欠頓清逃亡復業又海
南嵐瘴毒人知福建馬泰徵河南梁廷揚湖廣高月旦禹

州王文學皆沒於任所士昭哀之捐募數百金各遣役護送還葬

楊 樞

性孝博學能文事多豪舉順治己亥特開超貢科命與甲科同銓試補推官治聲頗著

楊 芳

歷官江西寧州知州興利剔弊人稱慈母

屈正宸

字子恪令雲南羅次捐俸八百金浚青山邵爾池灌民田數百頃又捐修五馬橋百貨雲集遂成巨市民甚德之

張星爛

字明辰令山東清平時屢荒多逋賦奸吏乘間侵蝕星爛到任剔除奸弊民樂輸將疏鑿馬頰河水不爲害又請於運河多設水夫民得免累

李滋

城武知縣贛直忤時解綬歸

陳杲

字升如以舉人令貴州修文洗冤雪滯循聲卓著晚年思歸乞左遷廣文改補宜陽教諭奉府委登封收漕平斛兌量頌聲載道

郵陞

以拔貢令直隸滿城一意振刷百廢俱興懲奸猾均徭役

救災荒繕伍治兵布置有法攝完縣令一如治滿城時以
疾卒於官士民哀之

李長安

字西村以拔貢令安徽定遠輕錄薄賦勸學課農定遠人
德之請祀名宦祠

張曾益

字魯齋以舉人令四川納谿辦理保寧軍需歷署營山涪
州皆有政聲其在涪州鄰邑賊流入境督率鄉勇旬日平
之

文學

國朝

韓繼文

字紹之少孤家貧孝事寡母勤苦力學辛巳流寇屠密文
被刃仆地忽尸叢中作人言曰此良善舉人勿殺賊驚道
獲免後子姓蕃衍書香累世爲邑望族

鄭際夏

按孫徵君年譜作鄭有四誤

字有士篤于躬行不求仕進兄際虞勸以顯揚曰爲學自
有顯揚處何必功名也孫徵君年譜云密邑鄭有四來學
睢州湯潛庵斌登封耿逸庵介中牟冉永光觀祖灤城趙
寬夫御衆本邑錢佳選升階先後接迹愛業於夏宰之門
得理學宗旨

黃在中

字驪山本姓彭少避亂至密黃氏收爲子性好讀書不問外事行路必袖書偶憩則朗誦家人進食時當觀書誤及硯硃濡口不覺也赴縣交糧騎騾至中途小憩道旁輒讀書移時騾去久乃覺人多以腐儒目之以舉人教諭舞陽勤其職

錢佳選

字升階標之子康熙乙未拔貢爲人醇和簡默孝親而樂善受業夏峯孫徵君之門闡明程朱之學每正襟危坐雖盛暑不去衣冠時同社嵩陽耿介上蔡張沐泗上翁深灤州趙御衆諸公寓其家久敬不衰超化遂爲人文之藪

字伯成一模子資性穎異攻苦歷寒暑不輟坐下足着兩
磚處皆穿弱冠奉親色養備至親沒哀慕終身以丁巳明
通教諭溫縣勤課士子增修學宮年老告歸一馬一僕外
無餘資其清介如此

楊權

字時中恩貢生習理學

韓元燾

字溥菴廩膳生杲之孫也少孤事母孝性聰穎每講論經
書意解超人邑令于君雅重之歲大饑有欲掠取富家粟
者元燾同之力爲陳說利害又使人散其衆事乃止爰所
保全子五人墉塏墀俱庠生塏城俱舉人鄰里以燕山五

桂凝之

趙孝桓

字上公少聰穎有器量讀書不屑章句由廩貢任學官勤考課整士習釋奠讀法必誠必敬所在有賢聲

馬星度

字序柳廩膳生少嗜學寒暑不越戶限明季與章懷書避亂少休則出書朗誦比長受易於族兄鳴鸞尤篤嗜之遂專心河洛之學精研二十餘年悟其旨歸著有周易暢言十餘卷

魏陳象

字代緝歲貢生俱之孫詩古文詞皆擅長士

李日乾

字大生舉人少孤貧嗜讀篤愛弱弟與人交不欺然諾

黃溶

字春波歲貢生修武訓導性嗜學尤熟於史傳每同人聚會論証古今掀髯而談上下千百年若河決下流而東注也所教士多獲雋

魏一韓

字聞西歲貢生家貧事親色養無缺暇則手不釋卷其爲文伸紙立就屢試冠軍文壇推之詩宗白樂天有真趣

王六吉

字允謙歲貢生善屬文其設教里黨以曲成後學爲志門

人家貧者更膳給之及司訓內黃凡童子貧乏不能延師者皆令入署與諸孫共筆硯一時霑教澤者甚眾

韓一楷

守式南歲貢生河內訓導書義精邃九樂汲引後進

錢慥

號東崖恩貢生性至孝常苦耕鞏洛間聞母訃痛絕復甦鬚髮盡白日夜馳走二百餘里足腫如繭持喪哀毀幾至滅性五試不售絕意仕進嘗作小墅栽花種竹別有洞天杜門教子以詩酒琴書自娛詩文沉鬱頓挫凌轢古人有

一梅園詩集

黃居中

字中函增廣生氣韻高雅構屋數楹繞以花木日坐臥其間披覽古籍摹臨名帖垂五十年不倦行楷書皆有法度學者珍之

周永錫

字爾極邑庠生六歲失怙痛母孀寡奉事彌篤與弟永言友愛備至飲食必共族叔祐貧甚永錫以地資給之善息業或爭好誘掖後進結社爲文貧者助以膏火海濱諸士多賴成就子徵熊字元卜性沉穆威儀自攝尤重信義教諭襄城能勤其職

馬延祺

字伯修性醇謹事親色養親沒盡禮好學不倦精貫周易

卷之三 文學
著有易經四書講義藏於家

韓發

字子振家貧父以佃爲業發隨父力作暇則讀書數年得入泮與人交有始終生平一言一笑無少僞飾

慕韓

字小韓廩膳生博洽淹貫著有四書講義授徒善爲啟牖多所成就

錢九府

號南浦

欽賜學錄孝友剛方學問淹博尤工詩書蓋亦爲人珍重

錢九韶

一名九同字太和號南淳歲貢生少穎慧日誦數千言出語輒驚其長老詩賦名重一時陳未齋宮詹程魚門太史皆同聲嘆賞五旬後絕意功名與兄南浦飲酒賦詩極擲筮之樂主講檜陽書院多所成就著述甚富惟南淳詩賦文集已付梓其河岳集研來齋雜記等書皆藏於家

楚漢

字江波歲貢生操履端謹遇人有過輒面規之族黨皆嚴憚敬服授徒里中從遊者至學舍不能容訓導孟津時年已逾八十月課諸生猶必作文示之

楊貢瑤

舉鄉飲賓有厚德士人多沐其教澤

周捷

字南宮家極貧賣柴爲生負薪赴市而讀書不輟年四十
八始入泮天性孝友凡事以身先之一家之中雍然秩然

周式

字天培邑庠生事母孝性介善書法片紙隻字人皆珍之

蔡靖

字正夫副貢生勤苦力學教人不少假借弟子皆嚴憚之

王淑顏

字心齋歲貢生孝友醇謹暮年教子弟日習禮義講白鹿
洞學規歌西山先生良知詩曰此爲人之要也丙午秋病
劇從容曰聊乘化以歸盡樂夫天命復奚疑少頃憑几而

浙孫長齡字彭年辛酉科舉人博覽古籍留心掌故著有
密縣志輯遺又嘗遍徵貞石詩文欲葺亭覆之事竟未
果

張烜

字熙止歲貢生孝友寬仁好學不倦常有盜入室家人執
之跪階前烜曰窮民耳可遣去善波黃病者投之輒效子
某年增廣生詩文有名亦精醫術

傅一經

字子授恩貢生績學敦行精醫術

錢永齡

字又彭邑庠生講學以濂洛爲宗論文以王唐爲則

王銓

字遜邇敏而好學事親色養及歿見手口澤輒泫泫淚下
著有植槐堂文集二卷詩集一卷藏於家

王曰焜

場屋齟齬遂澹忘名利考稽遺文熟悉古禮爲閭里典型
與人接直諒和易終身無忤物之色

陳博

字廣聞邑庠生好學端昂常守敬如有爭者就質皆愧服
鄉黨化之

馬朝聘

字君遷邑庠生著有崇實錄論語講義周易正義等書文精

岐黃著養生靈通五十七卷

孟津

字星源賦性遲鈍十五六時奮志讀書嘗以不能悟爲憾憤欲自縊人救得活語人曰人皆能讀書我何不能也由是志益勵尋入庠食餼學極富士類仰之教人以立品爲先終日正坐身無倚側

朱佐清

字輔公邑辛生好學家貧無油焚香照讀終夜不輟及兄弟析居曰詩書從吾好田產歸弟兄里人義之精於易卜筮如神

王清

字介亭家徒四壁糟糠不厭慕薛文清王陽明爲人以克治自勵不規規爲章句之學雖數應童子試於得失淡如也授徒二十餘年多所成就後以母沒不勝哀卒

韓 瑛

字秀夫少孤母病劇一晝夜鬚盡白見者憐之性聰穎過人書不再讀年十四入庠旋食餼五十餘始領鄉薦授徒因才善誘知名士多出其門與人交渾厚和平望之藹然親之如飲醇醪又精堪輿擇地建文峯塔文風果盛髦年猶手不釋卷卽扶杖逍遙咏吟之聲亦不絕口

韓 城

字哲夫舉人性孝友

爲文卽見儼於秦大尹陳宮贊

三主檜陽書院講席生徒多知名士司鐸是邑日與諸生
談詩論文娓娓不倦嘗以病乞歸諸生集明倫堂者百餘
人再三懇留乃留二年部推知縣不就居邱園構書室數
楹謀徒教子以終

李元滙

字舒園號鶴坪以舉人任汲縣訓導擢湖南清泉令有政
聲少孤銳志績學閱覽強識在署少暇輒苦吟不輟平生
著作甚多尤邃於詩著有鶴坪詩集滇海聯吟香雪亭咏
史藁行於世

張森吉

字列璋生而穎異幼卽善屬文又精岐黃父母有疾必親

製方父病篤日夜不離側鬚髮盡白以舉人授光州學正
崇文教勵士節嘗勗人曰讀書須躬行實踐美言欺人德
之賊耳

陳景楷

字聖林增廣生學通古今號稱淵博教授里中悉遵白鹿洞
學規

劉永綏

字康侯恩貢生性謙和喜怒不形於色晚年設教雲巖宮
從遊甚衆

錢克配

字育德有孝行家貧而洗滌蠶糧極褊無愠色早歲入庠

讀忘晝夜知名士多就質焉著有四書集義十二卷

錢可久

字萬徵邑庠生性高潔不履市廛不妄交接善小楷喜清
談高歌有晉人風味嘗得一麻子石題曰子貌如吾愧余
心似汝真箇中相賞處不與世間人其風致如此著有萬
芝堂詩草

錢青簡

字史章聰敏異常五歲通孝經七歲能詩賦十三入府庠
性孝友過庭問禮之暇危坐吟誦經年不出戶庭著有傳
堂小草其餘夜句云喧傳柏酒人辭歲靜對梅花我閉門
其論文句云但將骨力存真體不假丹鉛媚世人可想見

其為人矣惜不永於年未大成就

牛文光

字星漢幼為僧穎悟過人稍長專力攻書乃棄釋歸儒補博士弟子研窮經旨及近思錄諸書終身不倦

錢玠

字衛公家赤貧炊煙屢斷晏如也為諸生時惟鬻餅揀柴以自給而書聲時達戶外後訓導夏邑粗粥淡齏分外脂

膏毫不染指

周繩文

字憲章性嗜學手不釋卷釜廩雖虛不計也以舉人教諭

羅山訓諸生務實行嘗謂之曰人不識孝弟二字讀萬

卷猶目不識丁手錄經史有關倫理者彙爲一集時與講論
勸勉以四知自警

陳廣基

字心田歲貢生績學力行品詣端醇從遊甚盛嘉慶癸酉
歲饑監東鄉粥廠未嘗刻離日卽食廠粥數既諸子以餅
餽餉却之曰吾不忍獨美食也疾亟以不得終廠事爲恨
戒其子沒卽殮廠中俟事竣移柩歸其尙義至死不移如
此著有汗齋文集

武功

明

劉先

字光祖少負大志有膽畧元末大亂募民兵以圖匡濟義
旌所向罔不克捷以功畧陞平章政事鄭國公元亡知天
命有在洪武初率所部來歸從鄂國公常遇春信國公湯
和收河北諸郡西戡晉絳敗王保保兵復從丞相魏國公
徐達克陝西秦鳳環慶諸州己酉入覲授驍騎前衛指揮
僉事明年復從征迤北調驍騎左衛又調茶陵衛加授廣
威將軍調征雲南所至身先士卒大小五十餘戰俘馘甚
衆雲南平置烏撒衛指揮使司陞爲指揮同知鎮之時治
所新設蒞事精勤撫治有方遠近悅服誥授懷遠將軍卒
贈驃騎將軍左軍都督府都督僉事子孫俱爲時名將

少有武勇累立軍功元至正間授武德將軍鎮守泗州萬戶府萬戶

劉 曠

先長子襲父職義勇過人屢立戰功歷官驃騎將軍左軍都督府都督僉事宣德三年總戎甘肅領符節佩平羌將軍印鎮守諸番大著威望

劉 傑

廣之子襲甘州左衛指揮同知天順中于莊浪涼州屢獲戰功生子晟晟子經綸綸子勳俱襲本衛職在邊鎮守

張問明

字鑑空廩膳生智力絕人饒有方畧當明季土寇蜂起鄉

里謀所以禦難推問明主其事捐貲築寨于超化募鄉勇
守之邑中士民及鄰封紳衿聞而歸者萬家土寇李際遇
百計攻寨問明不動青色却之義聲旣振亂寇亦懾其威
望故十四年破官屠戮盡而邑南無恙問明之力也撫
按以異相雄才文武兼資奏其功有旨准廩貢後守慕
其義勇資以參謀授參將衛鎮守密縣食德之家至今謳
思不忘子曰濟濟瀚濟皆名諸生濟字公注孝友慈和
雖質樸兼人之勇不自知也舊居超化寨頂地隘移居金
花泉北村村中凌競之風爲之一變衆愛重之卽秘語無
敢道其名者病革里人奔禱城隍廟願各減已算以爲
壽其爲人所慕悅如此

錢 煩

字養冲周府儀賓有奇勇胆畧過人明末分守超化寨寇敵莫敢仰視近村稼禾多被土賊搶掠煩左右巡視人得芸穫自如

丁仲章

字獻庭少負大志有胆畧及長智勇兼備闖賊入密章挺身圖殺賊甚多

鄭樂密

行二武藝絕倫里人呼爲二老虎崇禎末土寇李際遇叔某奉際遇命抄畧鄉村路過喬溝溝窄狹蓬蒿充塞馬不能並行樂密乃負鈎鎌鎗伏伺賊彙載魚貫而過賊首李

某至卽躍起持鎗鉤其項以刀斫之後經登封劉背坡際
遇巢穴大叫曰雁過留聲人過留名賊聞然出樂密力戰
竟死於亂箭之下

楊線匠

在張鑑空門下善鎗法能刺人之眉而人弗覺嘗與人戲
賭持鎗登場往還久之笑謂其人曰輸矣其人舉手捫之
而眉已無後大病新痊與李際遇夥賊戰於河干適盛落
髮掩其面自分不能脫遂以鎗自刺胷而死鑑空門下勇
士死於難者惟楊線匠一人餘皆善終

流寓

漢

韓融

後漢書本傳董卓之亂潁川韓融將宗親千餘家避亂密西山中荀彧謂父老曰潁川四戰之地也天下有變常爲兵衝密雖小固不足以捍大難宜亟避之鄉人多懷土不能去

鍾皓

後漢書本傳字季明潁川長社人也爲郡著姓世善刑律皓少以篤行稱公府連辟爲二兄未仕避隱密山註密縣山也以詩律教授門徒千餘人

三國

楊俊

三國志本傳字季才河內獲嘉人也受學陳留邊讓讓器異之俊以兵亂方起而河內處四達之衢必爲戰場乃扶持老弱詣京密山間同行者百餘家俊振濟貧乏通其有無宗族知故爲人所畧作奴僕者凡六家俊皆傾財贖之

晉

閻鼎

晉書本傳鼎字台臣天水人也初爲太傅東海王越叅軍轉卷令行豫州刺史車屯許昌遭母喪乃於密縣園鳩斃流人數千欲還鄉里值京師失守秦王出奔密中司空旬藩藩弟司隸校尉組及中領軍華恒河南尹華萇在密縣建立行臺以密近賊南趨許穎司徒左長史劉疇在密爲

鳩主中書令李暉太傅叅軍騎掾劉蔚鎮軍長史周顛司馬李述皆來赴疇

荀崧

晉書本傳泰始中詔以崧代兄襲父爵補濮陽王允文學與王敦顧榮陸機等友善趙王倫引爲相國叅軍倫篡轉護軍司馬給事中稍遷尙書吏部郎太弟中庶子累遷侍中中護軍王彌入洛崧與百官奔於密未至而母亡賊追將及同旅散走崧被髮從車守喪號泣賊至棄其母尸於地奪車而去崧被四創氣絕至夜方蘇葬母於密山

褚翬

晉書本傳字謀遠陽翟人太傅裒之從父兄也父顧少知

名早卒。獎以才藝，楨幹稱襲。封關內侯，補冠軍參軍。於是長沙王又擅權，成都河間阻兵於外，獎知內難，方作。乃棄官避地幽州。後河北有寇難，復還鄉里。河南尹舉獎行本縣事，及天下鼎沸，招合同心將圖過江。先移住陽城，界明年謀東下，道阻不得進，因留密縣。司隸校尉荀組以爲參軍，廣武將軍復領本縣督新城梁陽城三郡諸營事。

唐

盧照鄰

唐書本傳：照鄰病去官，隱具茨山下，手足攣廢，乃著幽憂子十卷，自以當高宗時，尙吏已獨儒，武后尙法已獨黃老。后封嵩山聘賢士，已已廢著五悲文，今在集中。嘗自號幽

憂子

宋

歐陽修

按文忠公墓今在密新之交學政全書公之後裔奉祀生仍系廬陵密新兩縣俱無例案

字永叔謚文忠廬陵人文章政事載宋史本傳

按文忠寓密當在熙寧四年以太子少師致仕後其中子
棐曾知蔡州故卜居於密歿墓在邑東三十里旌賢鄉子
孫世取一人爲奉祀生明鼎革禋祀幾廢知縣王珏訪知
有裔孫復旦爲申請奉祀得以光復舊典云

晁冲之

具茨集序紹聖初被謫遂躑然棲遁于具茨之下號具茨
先生

張晉卿

王圻釋史新鄭人宣和間進士有文名執政愛其才屢擢之仕晉卿將應之其妻丁氏文簡公五世孫也美而淑勸之曰外間時勢洶洶豈士大夫致身時乎張乃止相與偕隱大隗山未幾遇靖康之變寇有聞丁之美者遣數十騎劫之丁不從挾之上馬丁投地曰我寧死不辱也寇始亦不怒屢扶之丁大罵遂怒殺之

金

元好問

金史本傳字裕之號遺山秀容人登進士歷官尙書省左司員外郎河南密開國子由汴梁至密寄棲靈光寺詩酒

白娛後入嵩山集金源君臣遺言往行凡百餘萬言名野史

明

翁深

字藏若本姓閻名爾梅號古古沛人明季鼎革後遨遊海內嘗寓密之超化有文集行世

趙御衆

字寬夫灤州人明鼎革携家來密居超化寨十載所交皆一時名公鴻儒每出遊必滿載書籍歸一覽成誦旋即棄去善詩文尤工行楷書學者寶之其子虞翥景時亦工書後終於邾

靳於中

字爾時尉氏人幼有至性博學善屬文萬曆戊戌進士衡
文山左脩兵遼東皆有善政歷官工部尙書以養親告歸
築別墅於大隗山所稱靳寨是也鑿池種竹揮翰賦詩與
阮徵君漢聞相娛樂遂籍密焉子滋昂負竒質以聖賢爲
可學弱冠悟性命大旨公喜曰爾超我一等矣山居日以
存神養和爲事當流寇猖獗往來寨下戒不敢犯四方避
兵者存活以數萬計著有庸行直義參同易測諸書行於
世及卒閭里爲罷市門人謚貞惠先生後十年土人思公
父子之德復爲立祠至今祀之

阮漢聞

字太冲順天人有文章經濟才明末見天下方亂絕意仕
進後尋嗣宗泝徙尉氏閉戶著述屢徵不出海內士大夫
慕道從遊者日益衆因避囂復隱於大槐山自號大槐山
樵

楊思聖

字猶龍號大陸雪樵歷官河南布政司詩賦書法冠絕一
時解組後寄居超化砦同友人登高臨流揮毫賦詩徜徉
自得見者不知其爲本省大吏也

韓原澹

字發之盧龍人家世貴顯簡澹寡交遊常正冠匡坐或議
以世法機事不解謂何人無少長貴賤皆推誠待之甲申

變革後盡棄其田產携家隱大隗山臨終佈子歸葬容城
孫徵君奇逢爲之誌銘曰謀不在食憂不在貧人以爲定
論萊陽宋琬有韓隱君傳子鼎業平生慕魯仲連田子春
之爲人讀書不事章句所交盡當世賢豪長者避地山居
躬耕耨習勤苦晏如也嘗過太陽山見李崆峒先生墓爲
盜掘伐卽裹糧率家僮收葬海內知名之士莫不高其義
焉

禹好善

字存誠原籍汜水別墅在密天資穎異以進士任河間武
昌兩府司李行取御史不避權倖章疏凡三百餘卷悉關
國是單騎經營濟運按山陳直隸督修陵工賜卹金終掌

京畿道以朝士多黨致仕歸遂籍於密

國朝定鼎累薦不起卒葬密南百栗溝父墓之左子旬蘭貢
謨歷官禮科給事中掌登聞鼓事正色立朝抗直敢言有
蹇諤之風

溫源

字憲之蒲坂人仕至河南道監察御史以剛直忤時退隱
超化砦之白雲莊與一時諸名儒相徧翻經甚富里人
稱爲雲莊先生

陳邇穀

錢佳選家塾師也字孔恕失其爵里嘗在大梁書肆間值
所識當道過呼之不應乃趨執其手曰何絕人太甚也亦

不答當道囑書賈勿令引去移時步至肆問訪之書賈曰
陳先生固不可留道有一詩當道取視慚愧而去其詩有
而今幾個奇男子留得三春不嫁人等語

蘇明葵

新鄭志字中倫新鄭人性敏毅弱冠廩於廩明季避亂密
縣五里店流寇鍾慶秋率眾攻寨明葵偕眾守禦甚力俄
寨破賊偉其材迫脅使從明葵不屈擁至紅沙河踣地大
罵遂被殺

崔允豪

鄭州志字與文尉氏人性義俠八歲愛劍術學射及舞武
司馬韜畧以劇孟郭解自許宗禎申李自成寇河南允豪

奉母從靳司空阮太冲張林宗避地大隗山出遇異人授
棋經別得周易秘言徃徃試如神

國朝

王岱

字次峰里居無考爲人高潔無侶屏迹超化村諸名公題
四皓圖多贊其事岱獨薄之詩曰豈爲商山芝已無故隨
車馬入皇都一時俱別商山去羞見人間畫此圖又曰人
蔬焉能食野雞興言四皓我心悲料爾山中千萬局總無
一着是高棋其夷然不屑如此

仙釋

上古

大隗真人

莊子昔黃帝將見大隗乎具茨之山方明爲御昌高駢乘張若謂朋前馬昆闡滑稽後車至於襄城之野七聖皆迷適遇牧馬童子問塗焉若知具茨之山乎曰然若知大隗之所存乎曰然黃帝曰異哉小童非徒知具茨之山又知大隗之所存請問爲天下小童曰夫爲天下者亦若此而已矣又奚事焉予少而自遊於六合之內予適有瞽病有長者教予曰若乘口之車而遊於襄城之野今予病少痊予且復遊於六合之外夫爲天下者亦若此而已予又奚事焉黃帝曰夫爲天下者誠非吾子之事雖然請問爲天下小童辭黃帝又問小童曰夫爲天下者亦奚以異夫牧

馬者哉亦去其害馬者而已黃帝再拜稽首稱大師而退

漢

上成公

後漢書密縣人也其初行而不還後歸語其家曰我已得
仙因辭家而出舉步漸高良久乃沒陳實韓韶同見其事
蘭公夫婦

名勝志邑人死化爲雙鶴飛去今岩下有石相偶形如雙
鶴

成

四竹堂紀異密縣有卜成者身遊丸山之上放浪不拘之
鄉山卽鞏縣之九山有廟碑晉永康二年立其文云丸山

府君太華元子之碑

唐

風道士

雲遊海島有吸風飲露之術後入超化寺有鸞題度化碑
記其事文多不可句讀

宋

信公和尚

仁宗披度僧也幼聰慧博聞善悟徃徃絕塵凡想弱冠遊
東都偶從婁道者講涅槃經卽洞徹禪旨雖宿望之僧莫
能難仁宗雅重之爲建聖壽寺於密遠祝髮焚修其中卒
證上果

六

仁和尚

奉勅主超化寺通徹釋氏源流能詩

明

藻鑑禪師

偃師人姓張法名道衡少業儒稍長讀釋氏書恍然有所
覺遂投少林寺祝髮焉後雲遊於杭閱藏經見梵本心經
云超化寺有佛舍利仍有金花靈源暗通西域柯禱達池
因逃禪此寺不復出九善風鑑每有品題無不中邑人尊
仰之號藻鑑禪師

鐵佛寺老僧

名洪權流大畏密曲梁馬姓子生于萬歷間入鐵佛寺爲僧崇禎末讎其父母歿葬畢遊五嶽及名山勝地

國朝順治五年始歸寺常買物放生遇畜產亦未嘗以言相加每行必持鉢携鉢遇白骨屍而埋之或盤膝而坐數日夜不火食康熙間端坐而化鼻珠下流至足一手上握神氣如生其夕鄭之青龍寺小僧見其趨入佛殿又有遇之邑西者問其何往答以西去

國朝

元禧和尚

江南宜興縣人俗姓董明禮部尙書蓋其昌四世孫也流寓超化寺樂其風土遂披剃焉博通儒書長於堪輿

續訪

韓時行

字應天以副貢教諭原武能舉其職嘗值河朔旱蝗奉委
監粥賑勤慎不怠又嘗見民車應差苦累爲白當事定輪
轉法原人德之孫羅屏舉人

王玉光

字聖輝精青烏學爲邑訓術性友愛處鄉黨間能排難解紛
王國樞

字廷極性孝父母老病竭力扶持數年如一日設教里中多所成就
翟逢午

字明辰事父母以誠教子孫以禮義又能勤苦節齋濟困扶危

楊克惠

邑增生家極貧勤學弗輟立品嚴正誦讀外無餘事有訟獄者入其宅雖親朋亦必擯斥之故居城市間終身無片紙入衙其子儒珍後中庚午鄉試

鄭邵

字祥發邑庠生明季獨出貲財修寨於岳村北梁家村招里人居之賴以安全

呂逢泰

啟元國學生平生寬厚慈祥待人以恕乾隆二十三年河決逃民絡繹糧價湧貴里人困乏出其資衣食之多賴以全活至今子孫書香不絕咸以爲忠厚之報云